

KUKHOLWA

KUKUNCOBA KWETFU

 Kuyinhlanhla kuba lapha kusihlwa enkonzweni yeNkhosi. Kodvwa impela kuyintfo ledzabukisako kutsi bantfu bangeke babenendzawo yekuhlala phansi, emvakwekuba sesibamemile kutsi bete, kepha-ke akukho ndzawo yekuhlala phansi. Futsi lapho ngiseta, njengamanje, ngani, bekunebantfu batungelete emafasitelo, nasetulu etitaladini, nakanjalonjalo. Futsi kute—kute ngisho indzawo yabo kutsi babe se-... bangene kulesakhiwo. Kodvwa nje libandla lelincanyanya.

² Asikaze sikukhangise. Futsi ngisho nasephepheni lapha, nje si...O, labanye bebangani betfu bashaya elucingweni, bakhulumna ngekuta batokhulekelwa. Futsi sibatjele nje kutsi bete. Ngako tindzaba tacala nje yonkhe indzawo, lomunye weta ngalapha avela eLouisville, bese ke utjela lomunye umuntfu, nalomunye umuntfu. Niyati, kufika kanjalo ke yonkhe indzawo.

³ Bengifuna kutfola sikolwa lesiphakeme entasi lapha. Kodvwa ba...Angikakhoni kusitfola ngenga yesikolwa kutsi ngingekhatsi. Noma, khona-ke besitokukhangisa. Ngifuna bantfu, bantfu bendzawo kutsi bati kutsi besingatami kunifucela khashane nako, kodvwa sati nje ngalesosikhatsi kutsi lelikamelo belilibi kabi. Ngako tsine, kube besitfole lesikolwa lesiphakeme, ngabe sente kanjalo, kodvwa asikakhoni.

⁴ Ngako, manje, kusihlwa kutoba busuku bekugcina baletincwadzi lengemuva, leto uMnumz. Mercier kanye nabo lanato lapha, nalamatheyiphi nakanjalonjalo.

⁵ Bese-ke kusasa ekuseni nguSontfo sikolwa. Futsi masinyane emvakwekuba Sontfo sikolwa sekatsatsa indzawo yabo, iNkhosi itsandza, ngifuna kukhulumna ngenshumayelo yebuvangeli, kusasa ekuseni. Loko kutocala nase igabence insimbi yemfica, ngiyacabanga, akunjalo yini, Mnaketfu Neville? Nase igabence yemfica, Sontfo sikolwa uyacala. Futsi masinyane emvakwemaklasi aSontfo sikolwa, sifuna kukhulumna sifundvo se—semlayeto wekuvangela, kubita soni. Futsi lobusuku lobu bebusolo buniketwa kakhulu, kusukela ngeliSontfo lelendlulile ebusuku, kulabagulako nalabadzingako, labahlaselekile.

⁶ Bese-ke, kusasa ebusuku, sitotama ku, uma singakhona kukwenta, noma ngayiphi indlela, kutsi sitsatse onkhe lamakhadi ekukhulekelwa laniketiwe, kutsi wonkhe umuntfu lofikile futsi watfola emakhadi ekukhulekelwa, si... emvakwekuba umlayeto sewuphelile, uma sitodzingeka siyekele

lamanye emuva, bese-ke senyusa labanye, kute sikhone kutfola lilayini labakhulekelwako lichubeke, sitojabula kukwenta.

⁷ Nemakhadi ekukhulekelwa akusasa ebusuku atoniketwa emvakwaSontfo sikolwa ekuseni. Khona nje emvakwaSontfo sikolwa, akube kutsi, mhlawumbe, igabence yelishumi nakunye, kutsi la-lamakhadi ekukhulekelwa atoniketwa, kusasa. Ngako nine leninalabatsandzekako benu, nakanjalonjalo, lotela kutokhulekelwa, ngani, ababe lapha cishe, lokungenani igabence yelishumi nakunye, uma bangeke babekhonela uMlayeto wasekuseni.

⁸ Loko kutsi, uma une—nendzawo yekukhontela, lobewukadze uya kuyo, ngani, be—besingeke sakudvonsa usuke lapho nhlobo. Besingeke nje sifune utivele ukhululekile ngaloko lobewutokwenta.

⁹ Bengimatasatasa kakhulu namuhla. Futsi emizuzwaneni lembalwa nje leyendlulile, bayeta, batsi, “Yebo-ke, uma uchubeka uya entasi, ungacala kushumayela khona manje.” Bese, livele, lelitabernakeli lelincane seligcwele. Ngako ngicabange nje ngemavesi lambalwa lengicabange kutsi ngitokhulumha ngawo, kusihlwa.

¹⁰ Futsi ngifuna kubonga iNkhosi, kucala, ngako konkhe loko Lesentele kona. Leyomibiko ibuya ivela kulabo lokhulekelwe, futsi bebebete lamhlanganweni. Tintfo letinkhulu yentekile, kulendzawo lencane nje lapha. Futsi kungesiko nje ngetulu kwekuta ngembili futsi ukhulekelwe wedvwa, kodvwa kubonakala kwangatsi bantfu emuva etetsamelini bakutfola kancono kunalebebangiko etulu lapha ngembili. Ngako siyajabula ngaloko. Loko kuhle kakhulu, kubabona bakutfola kanjalo.

¹¹ Manje, kusihlwa, ngikhetse sihloko: Kukholwa *KukuNcoba Kwetfu*. Futsi ngifisa kufundza incenye yemBhalo lotfolakala kuJohane wekuCala, sahluko se 5 nelivesi le 4.

Ngoba noma yini letelwe nguNkulunkulu iyalincoba live: naloku ngulokuncoba lokuncoba live, ngisho nekukholwa kwetfu.

¹² Manje, emaVi lamangalisa kanje pho! Kukholwa kwetfu kukuncoba. Futsi manje, kukhuluma ngekuncoba. Kube nalokunengi kuncoba lokunengi lokukhulu lokuzuziwe kulomgamu lomudze weminyaka kutsi buntfu bebukadze busemhlabeni.

¹³ Bengifundza lencwadzi ngekutinikela kwe—kweParis, kutsi lapho, kulena yekugcina, noma iMphi yeMhlaba yesiBili, kutsi ngesikhatsi Hitler sekaletfwe eParis, e-Ark of Triumph, batsi nje kwakukuncoba lokukhulu nje kwaze kwatsatsa ema-awa kutsi lawomasotja aseJalimane amasha ngesinyatselo selihansi, endlula ngco e-Ark of Triumph. Lapho Hitler eme ashaye

indesheni nemoya wonkhe wabamnyama khwishi, ngetulu, tibhakabhaka tavaleka, ngetindiza tihamba ngetulu lapha. Sikhatsi lesinje pho sekuncoba, kutsi emvakwekuba sebawine imphi etikweFrance, neFransi iphonse lithawula kuJalimane.

¹⁴ Kwase kutsi-ke eLondon, iNgilandi, ngike ngaba nenhlanhla kanye yekubona lapho, emhlanganweni lomkhulu, sitfombe sabhayisikobho salapho i...Sasitsetfwе maRussia, kutsi ngesikhatsi iBerlin iphonsa lithawula kuRussia. Futsi kutsi kanjani leyomishina yemphi lemikhulu kakhulu, leto timbayimbayi letinkhulu lebebanato e...takhelwe kuleto timoto temphi lebetengakhona kujikajika; tahamba tangena eBerlin. Kwakulukhuni kubona kutsi bekungabakhona kanjani nje lokuphilako. Ngemakhilomitha emvakwemakhilomitha, nawowonkhe umuntfu adubula kudubula lokungageji, kuya lapho labeta khona njengelibulo letintsetse. Futsi bavele nje babbidlita iBerlin yawa.

¹⁵ Futsi ngesikhatsi, ke, badvonsa tincola tabo temphi ne-nemasotja abo laceceshelwe kulwa ngetinyawo angena futsi akolobha konkhe, batfumela futsi balandza uMnumz. Stalin. Futsi ngesikhatsi bamndizisa angena, ngendiza, futsi yehla, onkhe lawomasotja aseRussia aya entasi esitaladini, njengaloko kushwila nesinyatselo njengoba basenta, njengemncobi, luhawu lwaseRussia. Nekutsi Stalin wema kanjani ashaye indesheni lapho emashumi etinkhulungwane temasotja amasha etitaladini taseBerlin, lapho ilele emilotseni. Futsi ngesikhatsi besifazane baseJalimane badlwenguliwe etitaladini, nalomncane, wabulawa, nalabanye babo bashiswa, nakanjalonjalo, kodvwa loko kwakukuncoba impela kweRussia.

¹⁶ Khona-ke ngiyatjelwa kutsi Napoleon, umncoba lomkhulu welusuku lolwendlula...Eminyakeni letsite leyendlulile, cishe iminyaka lesihlanu, ngaba nenhlanhla yekuma edvute neWaterloo. Futsi ngangi...ngatsatsa incwadzi lencane etulu lapho, futsi nganginfundza imphilo yaNapoleon. Bekawatondza emaFrentji. Weta ngalapho eFrance, atalelwе ngephandle esichingini, wase uta eFrance kutophindzisela kubo, kodvwa wase uba ngumncobi lomkhulu. Bekangumnumzane lohloniphekile, kwekucala nje. Kodvwa imphumelelo yaya enhloko yakhe.

¹⁷ Futsi kushitiwo kutsi besifazane, nabaya kuyolalisa bantfwana babo labancane embhedzeni, kutsi bekesatjwa kakhulu...Wabulala yonkhe intfo leyayingavumelani naye. Kutsi, besifazane, esikhundleni sekutsi batsi, "Lisontsane litokutsatsa," bebayaye batsi, "Napoleon utokutsatsa." Nalabo bafo labancane labanemehlo lakhanyako bebavele bagubetele nje, ngekushesha, bacabanga ngalesilwane lesikhulu lesinguNapoleon.

¹⁸ Kodvwa, niyabona, lokuncoba lakuwina akuzange kukhonse. Bekangumncabeli, kwekucala nje, futsi wafa aneminyaka lengemashumi lamatsatfu nakutsatfu, asidzakwa.

¹⁹ Kuncoba kwalolohlobo akuhlali sikhatsi lesidze, ngoba akukakhiwa kahle. Ungeke uze utfole lokuhle kulokungakalungi. Ufanele uwudlale kahle umgomo wemdralo.

²⁰ Futsi nomangubani wenu uyati, kutsi emidlalweni noma ngukuphi kujima kwetingijimi, akunandzaba uma ufika kucala ekugijimeni, kodvwa uma ungakawudlali umdlalo ngekwemigomo yakhona, uyakhishwa. Ufanele uwudlale kahle umgomo.

²¹ Futsi kukanjalo ngemphilo yemuntfu. Ungeke udlale imigomo yemphilo kabi bese ulindzela kuwina. Ufanele uwudlale ngekweLivi laNkulunkulu nenhoso lowaletselwa yona lapha.

²² Manje, kunebantfu labanengi kakhulu lobonakala angabi nalolunye luhlobo lwenhoso emphilweni, ikakhulukati kulolusuku lesiphila kulo manje. Bantfu babonakala nje bacabanga kutsi konkhe labafanele bakwente nje kufanana nalomunye umuntfu, nemafashini elive, nekukhangalokungemanga live lelibanikete kona.

²³ Njenga kanjena nje, uma uya esikolweni nalamanye alamantfombatane lamancane agcoka lilokwana lelitsite lelincane, noma ingubo, noma nikubita nitsini, lonkhe liphupho lesikolwa sonkhe lesinalo kutsi sibenjengaleyontfombatana. Labanye besifazane babona kumabonakudze lomunye dzadze lotsite aphuma, futsi agecoke ngefashini letsite, yebo-ke, lelo liphupho labo kutsi bagcoke nekutsi batiphatse kanjalo. Futsi loko kubonakala kungatsi kungumkhawulo weliphupholaseMerica, kutfolu umsebenti lomusha, noma kukhuliselwa liholo lako, nekutfolu mabonakudze, noma imoto lensha.

²⁴ Asengisho loku. Letotintfo tingahle tibe kahle, kodvwa kunemaphupho laphakeme emphilweni yemuntfu kunaleto tintfo. Futsi emaKhristu afanele abeke lutsandvo lwawo emaphupheni laphakeme.

²⁵ Ngicabanga kutsi bekungasikhokhela sonkhe kutsi sihlale phansi futsi sitibute kutsi kungani silapha, kwekucala nje. Nekutsi Loyo lowaba nesihawu lesenele kusiletsha lapha, sifanele kukunaka loko futsi siMbute kutsi yini Lebekangafisa siyente, inhoso yekuta kwetfu, kugcwalisa loko Lasihlosele kona. Kodvwa sibonakala nje sifuna kuhambisana nelive nje.

²⁶ Manje, liBhayibheli latsi singawuncoba umhlaba. Futsi sirkwenta kanjani na? Hhayi ngekubamba lizinga ngemafashini elive. Kodvwa liBhayibheli lapha kutsi kukholwa kukuncoba lokuncoba live.

²⁷ Kungikhumbuta ngalesinye sikhatsi kutsi i... Angitsandzi kusho leligama leli, kodvwa nje bekasindzindzi nje leseta emnyango. Sase sitsi, “Unganginika i—isangweji?”

²⁸ Ngatsi, “Impela. Ungangena?” Futsi esikhundleni sekumentela isangweji, ngacabanga kutsi ngingamlungisela intfo letsite kutsi adle. Ngase ngimlungisela loko lebengingakukhona lapho kuleyondzawo, futsi ngimhhalisa phansi kutsi adle. Futsi ngesikhatsi asadla, ngacabanga kutsi ngitokhuluma naye, ngekubona kutsi beka—bekangumhambi. Ngase ngitsi, “Ubuyaphi?”

²⁹ Wavele nje waphakamisa emahlombe akhe kancane, futsi watsi, “Angibuyi ndzawo.”

Ngatsi, “Pho uyaphi ke?”

³⁰ Futsi wema kudla, wase uyangibuka, futsi watsi, “Angiyi ndzawo.” Wacalata wase ugwinha umtsamo lomkhulu, futsi watsi, “Mnumzane, lapho nje sigcoko sami siphumule khona, kulapho langiphumula khona.”

Ngatsi, “Ngiyabona.” Ngatsi, “Sekusikhatsi lesingakanani wenta loku?”

³¹ Watsi, “O, cishe iminyaka lengemashumi lamabili, noma ngetulu.” Kungekho maphupho kutsi ate—atente abencono!

³² Manje, leso simo nje sekucabanga kwebantfu. Loko nje lengikubita “ngebakhukhuleki, bandandi.” Nebantfu labajoyina libandla bayafanana nje nabo. Bengihlala njalo ngicabanga ngeku “ndanda nje, nelukhuni -lolukhukhulekako.” Lukhuni -lolukhukhulekako, kulenga kunoma nguluphi luhlobo lwenkhukhuma. Leyo nguyonandlela nje bandandi lakwentako ebandleni nomakuphi.

³³ Manje utsatsa umfudlana, njengemfulana wekuphila, nencumbi yetinkhuni letikhukhulekako tilenga kuyo yonkhe indvundvuma yenkukhuma. Kepha, noko, sikebhe siyefika, sentiwe ngemapulango, naso. Kodvwa uma nicaphela, lamapulango entiwe futsi abatwa yinkhosи leyakhe lesikebhe. Akusiko kutsi kume kahle nje kuphela, kodvwa kucondziswa yinkhosи, futsi kufucwa ngemandla.

³⁴ Futsi sonkhe sentiwe ngentfo lefanako. Kuya ngekutsi emaphupho akho agijima kanjani. Uyafuna yini kutsi inkhosи uMbatи ente, ngawe, loko leBekangakusebentisa, naloko lebekangaKulawula, naleloko Langakufaka emandla?

³⁵ Uma lesikebhe lesi lesentiwe sehluka, futsi sentiwa sandla senkhosi, asikafaneli sinamatsele elukhulenii lolutsite ngasemantini langashoni, kunemandla lasifucako, libhawodi lelincane lelo inkhosи lengalivula, futsi lisifucele emantini lashonako futsi.

³⁶ Nkulunkulu ufunu kusibumba futsi asente sibe nguloko Lafuna sibe ngiko. Kodvwa singakwenta kanjani loko, noma

kutsi Nkulunkulu angakwenta kanjani loko, sibe singeke ngisho sikhone kuma sithule kutsi Yena akwente? Sifuna kuba yinkhosи yetfu lucobo. Sifuna kucabanga ngendlela lengeyetfu yekucabanga.

³⁷ Nebantu labanengi beta ebandleni, futsi bajoyine libandla, bese bafaka ligama labo encwadzini, futsi abanaki nekutsi lelobandla likholwa ini, noma bahole kulelobandla, kutsi balishumayela kanjani Livi laNkulunkulu, noma ke kutsi bamela liVangeli leligcwele yini noma cha, noma batsatsa nje incenye bese bangeta sivumokholo kuyo. Bayandanda, bayakhukhuleka, abakhoni ngisho nekuba lutfo.

³⁸ Kodvwa ake nginitjele lokutsite, kusihlwa, nine leningeckhatsi-nangeaphandle kwalesakhiwo. Nitophelela esiphetfweni ngalolunye lwaletinsuku leti, loko kutoba sesigodzini sematfunti ekufa. Ngitoneluleka kuleli-awa, kulungiselela kuLangana naNkulunkulu lotodzingeka ahlangane nani ngalelo-awa. Kusekhatsi kwekutsi uhangana naYe njengemsebenti webuciko lobusetulu Lawusebentile, noma lucetu lwelukhuni lolukhukhulekako luya esiphetfweni sekugcina. Ngako ungakusebentisi nje lokuphila loku kukhukhuleka nje yonkhindzawo, futsi undande yonkhindzawo, futsi—futsi utfole umsebenti loncono, nekutsi ugcoke kancono, nekutsi utfole mabonakudze lomusha, noma—noma imoto lencono. Kuphila kusho lokukhulu kunaloko. Ungetami kukusebentisa kutsi nje, “Yebo-ke, uma bonkhe lalabanye bajoyina libandla, ngitokwenta, nami.”

³⁹ Uma ujoyina libandla, ufanele kucala ufunе, futsi utfole kutsi lelobandla limele ini. Ngabe kuyindzawo nje kuphela lapho bantfu labaya kuyo ndzawonye kutsi babenenhlanganyelo na? Noma, ngabe kuyindzawo leshumayela Livi laNkulunkulu lophilako, futsi imele yonkhe imigomo Jesu layifela na? Ufanele wente loko. Ungandandi nje ungene futsi uhambe neligagasi. Ngoba, “Lisango lincane, nendlela yincane leholela ekuPhileni, futsi kepha bancane labayongena lapho kuyo.” Ngoba, “Indlela yinkhulu leholela ekubhujisweni, futsi bayobabanengi labangenako.”

Sifanele sibe nenhoso yentfo letsite.

⁴⁰ Manje, kwakungenjalo etinsukwini letendlula, noma kulolusuku, kutsi uma umuntfu eta kuNkulunkulu, bekanenhoso yekukwenta. Uma inhoso yakho kukukhukhuleka nje nalelabandla, noma ngabe kubuka etulu kuNkulunkulu?

⁴¹ Danyela, ngesikhatsi ehliselwa eBhabhiloni, naloku nje bekahamba asuka ekhaya lakhe, futsi bekatodzingeka abe sigcila kulesinye sive sebantfu, kodvwa Danyela watimisela enhlitiywensi yakhe, akunandzaba kutsi bentani kuye, bekangeke atingcolise ngesono saseBhabhiloni.

⁴² O, kube besinemadvodza lanesibindzi kanjalo, lototimisela enhlitiywени yakho, “Uma ngingumKhristu, ngitotfola sonkhe sibusiso sebuNkulunkulu lesingesami, futsi ngisibite. Uma liBhayibheli lifundzisa kutsi ngingamemukela Moya loyiNgewe, Ngitoohlala ngemadvolo ami aze Nkulunkulu anginikete Moya loyiNgewe, futsi nje ngingakhukhuleki.”

⁴³ Bengifundza indzaba lendzala yaMalume Buddy Robinson ngalesinye sikhatsi lesendlulile. Futsi bekayindvodza lenkhulu sibili, ne—nendvodza letsandanako, nendvodza yekukholwa. Futsi watfola kulambela uMoya loyiNgewe, ngoba liBhayibheli lakufundzisa. Futsi kuyasho kutsi ngalelinye lilanga bekalima ummbila. Wase umisa umnyuzi wakhe lomdzala, Alex, wase uguba phansi elayinini lembila futsi watsi, “Nkulunkulu, uma Uganginiki umbhabhatiso waMoya loyiNgewe, uma Ubuya emhlabeni Utotfola ematsambo ami alele khona lapha.” Loko kuhlosa enhlitiywени yakho. Loko kusho kungena emsebentini.

⁴⁴ Uma utfola lolohlobo lwenhoso enhlitiywени yakho, Nkulunkulu utovula emafasitelo aseZulwini. Lokutsite kufanele kwenteke. Ufanele ucale wente lofanele ukwente naNkulunkulu, futsi ube nenhoso letsite, nekubonga lokutsite kwaKhe ngekukusindzisa.

⁴⁵ Futsi ngesikhatsi Danyela ancumile enhlitiywени yakhe, nadevali wamenta wakufakazela, kodvwa sitfola kutsi lalime kahle ebusweni belihubesи lelilambilе.

⁴⁶ Futsi umuntfu loke ete kuNkulunkulu futsi empeleni, phansi enhlitiywени yakhe, atfole kukholwa lokutintile, kutokuma kahle emlonyeni wekuva, noma emlonyeni wekugula, emlonyeni welusizi. Kutoma kahle, ngoba kukholwa kuncoba. Uncobile ngekukholwa kwakho.

⁴⁷ Abrahama, umuntfu nje longenayo inhioso letsite emphilweni, neyise nje nebangani bakhe, behla bavela entasi eBhabhiloni. Bahlala eShinari, futsi lapho bebanembhoshongo lowakhiwa, nakanjalonjalo. Futsi ba...

⁴⁸ Ngalelinye lilanga, ngesikhatsi Abrahama asakhuleka, akungabateki, wakhuleka wacedza, waze washaya sandla saNkulunkulu. Wakwenta kanjani na? Ngekukholwa. Mhlawumbe wacabanga kanjena, “Uma akhona Nkulunkulu Lowenta umkhumbi, futsi wavumela Nowa andande endlule kuwo, Usaphila nanamuha.” Ndzawanatsite eveni lemahedeni, lapho beka—asihambi khona, watsintsia sandla saNkulunkulu. Futsi ekhatsi lapho, Nkulunkulu wamnika sambulo kutsi kwakukhona liDolobha uMakhi neMenti walo lokwakunguNkulunkulu.

⁴⁹ Futsi sifundza loko, yonkhe imphilo ya-Abrahama, bekangumfokati nesihambi eveni, ngoba liphupho lakhe linye lalikutfola leloDolobha Loyo uMakhi neMenti walo

kwakunguNkulunkulu. Washaya intfo letsite. Wabamba Nkulunkulu, nekukholwa kulowoNkulunkulu, kutsi wabona ngaphambili iJerusalema leNsha. Futsi wabeka umtfwalo wakhe emhlane wakhe wase ubaluzulane. Hhayi nje kundanda yonkhe indzawo nje, kungekho nhloso; bekanekukholwa kutsi kwakuneliDolobha Lelo uMakhi neMenti walo kwakunguNkulunkulu, liDolobha leliPhakadze. Bekenenhloso emphilweni, kutfola leyondzawo.

⁵⁰ Asengisho lapha, kutsi, ngalelinye lilanga ngesikhatsi imphi seyiphelile, wahlangana neNkhosi yaleloDolobha. Futsi Yamnika sidlosenkhosi, sinkhwa nelawayini; Melkhisedeki.

⁵¹ O, ungeke uhlose noma yini yesetsembiso saNkulunkulu, enhlitiyweni yakho, ngaphandle kwekutfola lokuphatsekako kuko. Uma umphefumulo wakho uhlushiwe tono nekungabata, nekuyaphansi nasetulu nekukhungatseka, futsi kunentfo letsite phansi kuwe lekutjela kutsi kuhkona ndzawanatsite lapho ungakuncoba khona loko, Kungani undanda yonkhe indzawo ke usuka ebandleni uye ebandleni futsi usuke endzaweni uye endzaweni? Vele uguce phansi ute ushaye liZulu.

⁵² Futsi njengoba ngishito itolo ebusuku, kwendlulela ngale kwesivimbelo semsindvo, khona-ke utoba nenhloso emphilweni. Utobanenhloso yekuba lilunga lelibandla. Utoba nenhloso yekubhabhatiswa. Utoba nenhloso kuloko lokufunako. Ngoba, siyati kutsi Nkulunkulu wetsembekile, futsi Nkulunkulu ucinisile, futsi Nkulunkulu angeke acambe emanga.

⁵³ Futsi uma Nkulunkulu abeka loko enhlitiyweni ya-Abrahama, ngeliPhimbo laKhe, Livi laKhe, khona-ke Nkulunkulu ufake ekhatsi, embikwetfu, eBhayibhelini laKhe, nangafakazi waMoya loyiNgcwele, ngekubuya kwaMoya loyiNgcwele ngetibonakaliso netimanga, kutsi Jesu Khristu usaphila, futsi ungyue itolo, namuhla, naphakadze. Ngako-ke kungani singabe sichubeka nekulandzela letotintfo lesitifunako?

⁵⁴ Uma udzinga, noma ngusiphi sidzingo, nomangabe yini Nkulunkulu layetsembise eBhayibhelini laKhe, Ulapha kusihlwa kuhlangabetana nalesosidzingo. Asikho sidzingo sekuchubeka nekufuna. Bukhona baKhe bulapha. UMoya waKhe ulapha. Futsi Uyatsandza, futsi ulungele, futsi ulangatelela kukunika loko lokufunako. Kungani utolindza kadze?

⁵⁵ Uma uta kuYe, ungeti njegalondandako nje, "Ngitokwenyuka futsi ngikutame futsi ngibone kutsi kuyasebenta yini." Ungeke ufile ndzawo.

⁵⁶ Kodywa uma uta naloluhlobo lolu lwekutimisela, kutsi utsengise konkhe, inchipho, imphama yesibhamu, nelibhosho; uma sewukhatsele live, neson, nekungakholwa, nekukhungatseka, nekungabata, futsi uta kuNkulunkulu

lophilako, nesisimiso impela lesiboshelwe eDvwaleni lemiNyaka; Moya loyiNgcwele ulapha kukudvonsela eBukhoneni baNkulunkulu lophilako, loko kutokunika kukholwa lokutoncoba nomayini lekhona emhlabeni, kugula, sifo, futsi ngisho nekufa lucobo lwako.

⁵⁷ Wena utsi, “Utsite ‘kufa,’ Mnaketfu Branham.” Futsi nguloko lebengikucondzile: kufa.

⁵⁸ Kwakungesuye yini Lazaru lobekalele afile emhlabatsini, futsi besekuvele kubola kungenile, ngesikhatsi Jesu atsi kuMata, “Nimngcwabephi na? Futsi uma ungeke ungabate, utobona inkhatimulo yaNkulunkulu”?

⁵⁹ “Angikutjelanga yini kutsi ungangabati?” Watsi kuJayiru ngalobo busuku, noma ngalolosuku. “Uma kuphela utokholwa, ungayibona inkhatimulo yaNkulunkulu.” Khona-ke kukholwa kuncoba kufa. Kukholwa kukuncoba etikwekuropa. Kukholwa kukuncoba etikwesono. Kukholwa kukuncoba etikwekugula. Kukholwa kukuncoba etikwekukhatsateka. Kukholwa kukuncoba etikwetengcinamba. Kukholwa kukuncoba etikwelive.

⁶⁰ Wena utsi, “Johane, ngesikhatsi abhala loko, bekangenato tinkhatsato tami. Bekangadzingi kutsi asebentane nalomfo lengisebentana naye. Bekangadzingeki kutsi endlule etintfweni lengitentako.” Kunjalo.

⁶¹ Angahle angadzingeki kutsi asebentane nalomfo lofanako. Bekangahle angadzingeki kutsi ancobe intfo lefanako. Kodvwa akazange abakhipele ngephandle, ngoba washo loku, “Kukholwa kukuncoba lokuncoba live,” yonkhe lentfo. Kukanjani kona? Faka kukholwa kuko. Kuhambe ngetulu kwako. Uma sineLivi lelibhaliwe laNkulunkulu libekwe embikwetfu, naMoya loyiNgcwele lapha enta futsi akhombisa kuvuka ekufeni kweNkhosi Jesu, netetsembiso tebuNkulunkulu tibhalwe lapha, kutsi, “Nomayini loyifisako uma ukhuleka, kholwa uyakwemukela, futsi utawuba nako.” Ufanele wentenjani ke? Bani nekukholwa. Hhayi nje kukholwa lokundandako, hhayi nje kukholwa kwekutentalokholwako, kodvwa kukholwa sibili.

⁶² Manje, kukholwa ngumncobi. Kukholwa ngumncobi. Akusiko nje u—umenti wekuthula. Kuyancoba. “Kukholwa kukuncoba lokuncoba live.” Kwentani na? Yini kukholwa na? Kuyini, ku “ncoba”? Kutsi uncobe nekuncoba kuyafana. Kuncoba, kusho “kushaya wehlule; kuhamba ngetulu kwako; kukubopha ngabozankosi; kuphonsa ejele.” Kusho kutsi lesono lesake sakubusa, uyasibusa manje. Kusho kutsi sewukuncobile. Wena u...Ukushayile. Umkhulu kunaloko lokungiko. O, ngitiva ngigcwala lukholo khona manje!

⁶³ Yini lokwaba kwekucala, soni noma nguMsindzisi na? NguMsindzisi, ngoba uMsindzisi unemandla kakhulu kunesono.

Lokwaba kwekucala, umphilisi noma kugula. Kwakungeke kube ngumphilisi ngaphandle uma Bekangetulu kwekugula. Ngumphilisi, Angancoba kugula.

⁶⁴ Futsi kukholwa kukuncoba lokuncoba sonkhe sicalekiso sadeveli. Kukholwa kukuncoba. Kukholwela ini? Hhayi kukholwa ebandleni lakho, hhaiy kukholwa esivumokholweni sakho, hhaiy kukholwa kumunfu lotsite. Kodvwa, kukholwa kuJesu Khristu Lowenta setsembiso, loko kuncoba. Kuyini na? Kukuncoba. Utsi, "Umkhono wami usasolo ukhubatekile." Kodvwa kukholwa kukuncoba. "Ngisagula." Kodvwa kukholwa kukuncoba. O, kuncoba live.

⁶⁵ Uma ungaranca ungene kuNkulunkulu, ngemkhuleko, ute ubone lentfo incotjiwe ngaphansi kwakho, akukho lokungakulimata ke. Uncobile. Unemakhilomitha langemashumi lasiphohlongo endzawo lekhululekile. Usasolo untjweza ngekukhululeka ngalesosikhatsi.

⁶⁶ Wena lobewusidzakwa nesigcila kunkantini, uyoba ngumphatsi wako ngalesosikhatsi. Lodeveli lomdzala wetjwala lokwente wanatsa, uyinkhosи yakho manje; kodvwa uma utfola kukholwa, angisho kutentisa, kukholwa mbamba, kusisebenti sakho kelapho.

⁶⁷ Nine leningeke nibeke phansi imboza, nine besifazane nebesilisa, uma kufika endzaweni lapho ningangena khona kuleyondzawana, Kufika lapho ukuncobe khona ngekukholwa, utobayinkhosи yako ke.

⁶⁸ Wesifazane lomncane lohleti lokhona manje, uke weta kule-altari, tikhatsi ngetikhatsi ngetikhatsi. Wesifazane lolungile, kodvwa wacala kubhema, kadzeni. Futsi nje bekangakhoni kukuncoba. Futsi bekenyukele lapha, futsi bengikhuleka naye, futsi kubonakale kwangatsi ngeke aze akuncobe. Futsi i-intfo yekucala niyati, ngamtjela lapha, ngatsi, "Kutobakhona ingoti entasi nemgwaco."

⁶⁹ Watsi, "Mnaketfu Branham, ngikhalile, ngancenga." Uyabona, ngemadlingozi nje, ulwa nemoya, loko ngeke kusite ngalutfo.

⁷⁰ Futsi ngangashona phansi ngikhuleke naye, futsi ngibike tandla kuye, futsi angabuyela emuva. Futsi-futsi etinsukwini letimbalwa, ngangihlangana naye futsi, avele akulahle phansi ngentfutfu yeligwayi, tandla solo tinsundvu.

⁷¹ Futsi ngalobunye busuku, entasi ngaley, waya kudokotela. Wase ucala kugula futsi wabuna waphela, waze waba kweluzazana nje. Nadokotela wabuka kuye, wase utsi, "Umdlavuza! Ubhema bosikilidi!" Nango lapho ke, alele lapho kutsi afe, khona-ke wase ucala kwenta umsebenti sibili. Niyabona na? Umuntfu lomitako uyotama kuviyela nasetjanini lobomile. Kuphela nje uma ungaphuma kulelibandla kusihlwa,

wati kutsi ungahamba ujoyine iMethodisti noma iBaptisti. Kuphela nje uma ungahlala ekhatsi lapha futsi utsi, “Manje ngitovele...Ngingumuntfu lolungile. Akukho lokuliphutsa kimi.” Ya, ungeke wenta lutfo ngawe. Kunjalo.

⁷² Kodvwa uma nibona tono tenu njengoba Nkulunkulu atibona, ekukhanyeni kweliBhayibheli laKhe; uma ubona, utophendvuka noma ubhubhe. Kukhona lokutokwenteka. Utocala kwenta lokufanele.

⁷³ Phuma lapha, futsi uncisha umoya ngasenhlitiywени yakho. Dokotela emuva lapho mhlawumbe utosukuma, futsi akhuphuke, abuke, atsi, “Kukuhlaselwa yinhltiyo.” Utawucala kwenta lokufanele.

⁷⁴ Ngulapho la adzinga kwenta lokufanele kwentiwe. Nalowesifazane uhleti, angibukile manje.

⁷⁵ Futsi uMnaketfu Roberson usemuva lapho, neMnumz. Wood lapha, uMnaketfu Wood ahleti lapha ndzawanatsite, nami, sasiya entasi sittingela, ngiyakholwa, ndzawanatsite, elolini. Futsi Moya loyiNgcwele wabonakala usihambisa kutsi siye etulu le emagcumeni, kuya lapho bekakhona. Futsi ngesikhatsi ngifikasi lapho, bekabeneliphupho. Futsi ngesikhatsi Moya loyiNgcwele angena ekamelweni, wase ucala kutimisela, akazange aphindze abheme sikilidi kusukela ngalesosikhatsi kuchuboke. Futsi sewuzimuke ngemakhilo lamanengi esisindvo, futsi abakhoni nekutfola umkhondvo wemdlavuza.

⁷⁶ Kuyini na? Kukholwa lokuncobako. Akulincobanga ngani ngesikhatsi ngimkhulekela lapha? Bekatatatela nje lapho. Kodvwa ngesikhatsi lodokotela atsi, “Unemdlavuza futsi utokufa,” wacala kwenta lokufanele. Nguleyondlela lofanele ukutfole ngayo, uma ucala kutimisela. Ulindzelani sikhatsi lesidze? Awcali ngani kutimisela manje? Beka kukholwa kwakho kuNkulunkulu. Kube-ke lowesifazane bekanekukholwa kwakhe kimi ke? Ngabe kwehluleka, ngoba ngingumuntfu. Kodvwa ngesikhatsi antjintja kukholwa kwakhe, hhayi eTabernakeli laBranham noma kuWilliam Branham, noma kunoma ngubani lomunye, kodvwa wabeka kukholwa kwakhe kuJesu Khristu, wase-ke utfola kukholwa. Waphakama waba ngetulu kwako konkhe kwesaba nekungabata, naNkulunkulu wamphilisa. Futsi, o, uyancoba. Kukholwa kukuncoba lokuncobako.

⁷⁷ Bengahlala ngitibuta, kutsi ngani emaKhristu afuna kutikhatsata ngaletintfo leti empeleni? Besilisa nebesifazane beta kimi, tikhatsi letinengi, futsi batsi, ekuvumeni kwabo nakanjalonjalo, uma nginaletöttingcogcisiwano tangansense, futsi bona, sihlangana nabo, sihambe, sente kuvuma kwekuphila kahle natotonkhe-tonkhe tinhlobo. Ngoba, bangeke bakuphike; uMoya loyiNgcwele ukhona khona lapho. Uma batama kukumbonya, Ukukhiphela ngephandle akudalule kubo. Ngako

kuncono bavele nje bakusho. Uma betama kuphuma, Moya loyiNgeweleye uyabayekelisa, watsi, "Umzuzu nje, nayi intfo letsite-tsitsi." Ngako uma befika, bacala kungitjela ngetintfo letincane telive. Futsi ngiyakucaphela emkhatsini wemakhola. Uya ndzawanatsite. Ukhukhulekela ini? Tfola liphupho ngawe. Hlela ligoli lakho kuKhristu, futsi uyekele kutimatanisa nelive.

⁷⁸ Utotsatsa liphephabhuku, litawutsi, "Manje, baphilisi baNkulunkulu belusuku lwakhe? Kute intfo letsiba baphilisi baNkulunkulu." Loko kutobeka kungabata emcondvweni wakho.

⁷⁹ Lomunye wangena emsakatweni wemoya futsi atsi, o, inshumayelo lenhle mbamba, kodvwa utsi, "Tinsuku temimangaliso selwendlula," futsi utokwesekela. Niyabona, loko kukucedza emandla.

⁸⁰ Tsengisa konkhe! Lungisana naNkulunkulu! Mhlawumbe bani ngulongiko, noma ungabi lutfo sanhlobo. LiBhayibheli laNkulunkulu nalingakufundzisi loko, khona-ke suka kuko. Uma Likufundzisa Kona, hlala Nako.

⁸¹ Kungikhumbuta ngaloku. Sibonelo nje kube-ke besitotsatsa luhambo loluncane, etinsukwini letingemashumi lamatsatfu kusukela manje, kuya kulelinye live? Futsi kulelive, simo selitulu besimangalisa kakhulu, ngangekutsi besingasayophindze sibuye. Futsi ngalapho besingeke sidzingeke sife noma siguge, kodvwa besiyoba lapho nje ingunaphakadze. Ngingake ngicabange nje ngikubona uhamba uya esitolo setintfo tasheleni, utsenga incumbi yemfucuta kutsi uhambe nayo? Utobe utama kulahla yonkhe imfucuta bewunayo.

⁸² Uma utikhatsata wena lucobo, ngekujoyina libandla linye bese-ke kuba ngulelelinye, utobutsisa incumbi yemfucuta. Kodvwa uma utocabanga ngalapho uyakhona, niyosusa lokunenginengi kwaloko kungabata nembhedvo. Nitawuba nekukholwa mbamba. Ngitsi kubantfu...

"Ngabe wena unguMnaketfu Branham lokhulekela labagulako?"

"Ya."

"Yebo-ke, loko kuphambene nekukholwa kwami."

"Khona-ke awunako kukholwa. LiBhayibheli liyakufundzisa."

Futsi manje bantfu labanengi beta elayinini, futsi batsi, "Yebo-ke, nginako konkhe kukholwa."

"Pho-ke nentani etulu lapha kepha? Uh-huh. O, akunjalo."

⁸³ Kukholwa sibili akwati kwehlulwa. Kungeke kwehlulwe. Ngisho nekuifa lucobo lwako ngeke kukwehlule. Akwati kwehlulwa. Tivivinyo tiyakwati kwehlulwa, kodywa kukholwa akwatani nekwehlulwa. Kungeke kwehlulwe. Futsi

nguyonandlela kuphela longajabulisa ngayo Nkulunkulu. “Ngoba ngaphandle kwekukholwa akunakwenteka kujabulisa Nkulunkulu,” kwasho emaHebheru 11.

⁸⁴ Futsi kulendzawo, ngingake ngikucabange nje uhambahamba, labanye benu nine maKhristu lasebentisa sitsotsi, nisebentisa ekuhlambalata, emagama langcolise, kepha nibe nibelisontfo lelitsite? Ungake uticabange nje uya kulelinye live, bese-ke uhamba iMerica yonkhe, uhambe ufundza sonkhe sitsotsi saseMerica losatiko, longeva ngaso na? Impela, bewungeke. Lentfo lobewutotama kuyenta, kutsi ufundze emagama lambalwa alololwimi lwangalapho, kunjalo, ngangoba ngingatsi, “Unjani?” nomakanjani.

⁸⁵ Futsi ngicabanga kutsi bekunga—bekungabita emaKhristu kakhulu, namuhla, kube bebetama kufundza lulwimi lolutsite IwaseZulwini, tindvumiso taNkulunkulu, lesitoluhlabela ngaLapho, futsi sitfokote. Nebantfu longakholelwa ekumemeten, bewungentani uma ufika ngaLapho? Bewuyobe ulahleke kakhulu endzaweni. Kuncono utfole kukholwa, futsi uncobe manje, ngoba kukholwa kukuncoba lokuncobako. Bewungeke uchaneketintfo letincane njengaloko. Bewuyoba nekuncoba.

Wena utsi, “Ngikwenta kanjani, Mnaketfu Branham?”

⁸⁶ Leni, kulula kakhulu. Kukutsi nje... Manje, emihlanganweni lapha, uyatibuta kutsi utitfoba kanjani kuloku, kanjani... Bantfu kulesakhiwo, angibati labanengi, futsi emihlanganweni yami ngalesinye sikhatsi angati ngisho namunye, ngisho netilwimi letehlukene. Kodvwa ngi-ngikwati kanjani na? Kukutitfoba. Tinikele wena nje kuMoya loyiNgewe, khona-ke akusesiwe nhlobo ke. Awati kutsi utawutsini. Uvele ueyekete Yena kube nguye losho lutfo. Kulula kanjengaloku nje.

⁸⁷ Labanengi benu bantfu banekukholwa kubodokotela benu. Futsi nifanele nibe nako, uma ninadokotela. Futsi manje uma kukhona lokungahambi kahle ngawe, utokuya kulowodokotela lomdzala lowetsembekile lokholelwa kuye. Nguloko lofanele ukwente. Loko kuhle. Bese-ke wetfula ludzaba lwakho kuye. Uma atsi ufanele uye esibhedlela, awenti lutfo lolunye kodvwa uvele nje uye ekhaya bese upakisha timphahla takho usuke uye esibhedlela. Impela. Unekukholwa kudokotela. Futsi uma angancumi kutsi ufunya kuya esibhedlela, noma ufanele uhambe, njalo, uyobhala luhla lwemutsi nekusetjentiswa kwavo bese ukunika lisaka lemaphilisi. Futsi utowagwinya, futsi awati nekutsi kunani kulawomaphilisi. Kodvwa unekukholwa kulodokotela wakho.

⁸⁸ Kutsiwani ke ngaNkulunkulu? Kepha uyesaba kugwinya lamanye alamaphilisi eliVangeli Lakunika wona. “Ngemivimba

yaKhe waphiliswa.” “Kukholwa kukuncoba lokuncoba live.” Vele uLigwinye futsi ubone kutsi kwentekani. Kukwetsema.

⁸⁹ Ukhombisa kutsi kwetsema kuni lonako kudokotela wakho, ngekutsatsa umutsi wakhe, kutsi awati kutsi kuyini. Ukhombisa litsema lakho kudokotela, ngekutifoba ekuhlindvweni. Loko kufakazela litsema lakho kudokotela.

⁹⁰ Kodvwa uma sekufika kuKhristu, uyesaba kuMtatsa eVini laKhe. Kukanjani ke? “Kukholwa kukuncoba.” Ungaletsa kugula kwakho kuJesu Khristu, kusihlwa, njengoba uletsa kugula kwakho kudokotela. “Nginikete nomayini Lokufunako, Nkhosi. UnguDokotela kulesifo.” Khona-ke unekuncoba. Khona-ke unekukholwa lokuncobako. Awuyuze utingele lelinye lilayini lababakhulekelwako. Ungeke uze utingele lutfo lolunye. Nitoba nako khona lapho. Kutocatululwa konkhe. Ungeke ugcume ebandleni uye ebandleni, kubona uma *lona* unako, noma *loyo* munye unako, *bona* abanako. Sewukutfolile ke. Uma unekukholwa, unekuncoba.

⁹¹ Ngayanitjela kutsi lesikudzingako kusihlwa e-Merica, nekutsi sidzinga ini kusihlwa lapha kulelitabernakeli, kuvumela Dokotela Jesu angene futsi ente kuhlindvwa ekukholweni kwetfu.

⁹² Dokotela ukutjela kutsi, “Una-tfunjana, unaphoyizeni wonkhe. Kufanele aphume. Unaloku, *lokwa*, noma lolokunye, kuliphutsa. Kufanele kuphume.” Yebo-ke, uyakukhipha kute nonkhe nine labanye nikhone kusebenta ngalokungiko.

⁹³ Futsi yini indzaba kusihlwa ngekukholwa kwetfu? Siyesaba kuvumela Nkulunkulu atsatse Livi laKhe lekusebenta, uMukhwa waKhe, lokhalipha kunenkemba lesika ngetinhlangotsi totimbili, futsi asihlindze, futsi asitjele kutsi kuhamba kukhohlisa lokungenamsebenti lapho kuliphutsa. Futsi sifanele sikhulule wonkhe umcabo, futsi sintjweze siye esetsembisweni saNkulunkulu lesiPhakadze. O, uma sitokwenta loko, Jesu utokwenta kuhlindvwa ekukholweni kwetfu, kususa konkhe kungabata, konkhe kwesaba, nako konkhe kukhatsateka, sonkhe sono, yonkhe intfo lekhona. Bese kutsi-ke uma kukholwa kwetfu sekuhlindvwe ngalokucacile, siphuma sisidalwa lesisha. Sesehlukile ke. Sidzinga kuhlindvwa. Ungametsema Jesu Khristu ngaloko kuhlindvwa? Ungakholelwa yini kuYe? Ungasho yini kutsi, “Nkhosi Nkulunkulu, eVini laKho?”

⁹⁴ “EVini laKho,” njengoba bafundzi basho kuMakho loNgcwele 5. Ngesikhatsi batsi, “Sidwebe ngenethi busuku bonkhe, futsi asikabambi lutfo. Nomakunjalo, Nkhosi, ngeLivi laKho, ngitokwehlisa inethi,” kwasho Phetro.

⁹⁵ “Nkhosi, ngingumdwedi. Ngiyatati tibonakaliso uma inyeti ikahle nje. Ngiyati uma tigadla, nanoma tingagadli. Ngiyati uma tikulamacembu ato, nanoma tingekho. Akusiko loko

kuphela, kodvwa ngidwebe busuku bonkhe. Nangu umkhandlu wabodokotela lapha ukanye nami, dokotela lobadwebi, futsi siyawati umsebenti wetfu. Futsi siwuhlolisis e lomfudlana busuku bonkhe, futsi asikabambi lutfo. Kodvwa eVini laKho, Nkhosi. Ngitokwehlisa inethi.”

⁹⁶ Ngoba uMhlindzi lo—lomkhulu ushito njalo! Dokotela lomkhulu ushito njalo! Futsi babamba incumbi yetinhlanti aze emanethi abo acale kudzabuka. Ngani na? Kukholwa kukuncoba. Kungahle kungabikhona ngisho nayinye inhlanti emantini. Kodvwa uma Nkulunkulu ente setsembiso, Uyodala tinhlanti futsi atibeke lapho.

⁹⁷ Kungahle kungabi nelituba lakho kutsi uphile. Ungahle kube uyafa ngumdlavuza. Ungahle kube uboshelwe esitulweni semasondvo. Ungahle ube yimphumphutse ngalokuphelele. Angati kutsi inkhatsato yakho iyini. Kodvwa uma utotsatsa umyalo wekutsatsa luhla lwemutsi nekusetjentswa kwawo waDokotela lomkhulu, “Nomayini loyifisako uma ukhuleka, kholwa kutsi uyakwemukela, futsi utawuba nako.” Futsi ukholwe kutsi loko kukholwa kutoncoba noma ngubuphi bumatima lobukhona. Ungahle utfwale kamatima ngesono uze umphefumulo wakho ungcole ngangoba ungakhona. Ungahle kube utamile kususa loko kukwata lite, lololwimi lolukhulumakabi ngalomunye, loko kuhleba elucingweni. Ungahle kube wetame lonkhe likhambi lolatiko kutsi kanjani. Kodvwa uma nje nitovumela Jesu Khristu angene kini kusihlwa, Utohlindza kukhola kwenu, futsi aninike kukholwa lokutokhwela ngaleywa kwanoma yini live lelingayiveta. Ngani na? Kukholwa kukuncoba lokuncoba live.

⁹⁸ Bewungangabata kanjani, kantsi Jesu Khristu iNdvodzana yaNkulunkulu lophilako ukhona lapha manje? Moya loyiNgcwele waKhe lomkhulu kulesakhiwo. Livi leletsenjisiwe, kutsi, “Bhekani, Nginani njalo, kuze kube sekuphele ni kwemhlabo.” Kwetsenjiswa yiNkhosi. Nkulunkulu utofanele aligcine Livi laKhe. Niyakukholwa loko na? Ngesikhatsi Etsembisa kutsi Utokwenta letintfo leti, Nkulunkulu ubopheleleke mbamba kutsi ente loko.

⁹⁹ Manje ngifuna nikucabangisise. Uma ninetono, uma kukhona noma yini leliputsa emphilweni yenu, Ngifuna nikucabangisise, sisakhotsamisa tinhloko tetfu umzuzwana nje sentele umkhuleko.

¹⁰⁰ Ngaphambi kwekutsi sikhuleke, ngitotsandza kubuta lombuto. Ngitotsandza kubuta kutsi ngabe ikhona yini indvodza, umfati, umfana, noma intfombatane, lokulesakhiwo, longatsi ngesandla lesiphakanyisiwe, “Nkhosi, kubonakala nje kwangatsi angeke ngincobe. Kubonakala kwangatsi ngiyati kutsi angikafaneli ngente letintfo leti. Ngi—ngiyati angikafaneli ngente loku nalokwa. Kodvwa ngifuna Wena

usebente ekukholweni kwami khona manje, emvakwaloMlayeto. Ngifuna Wena kutsi unginike kuhlolwa futsi, bese uhlindza kusosonkhe sifo sekukholwa kwami, loko lokutobamba kutsi ngincobe letintfo leti.” Phakamisela sandla sakho kuYe. Ungakwenta na? INkhosi inibusise. Lendzawo igewe nje tandla! Lokuncane...

¹⁰¹ “Asilahle konkhe lokusindzako, nesono lesitsandzela kalula kangaka kitsi, futsi sigijime ngekubeketela lomjako lobekwe embikwetfu, sibuke kuMcalisi neMpheleli wekukholwa kwetfu, iNkhosi Jesu Khristu.”

¹⁰² Bangakhi ekhatsi lapha, logulako nalodzingako, longaphakamisa sandla sakho bese utsi, “Nkhosi, sebenta ekukholweni kwami. Nginesidzingo kusihlwa, Nkhosi?” Nkulunkulu akubusise.

¹⁰³ Kukholwa kukuncoba. Sikufola kanjani kukholwa na? “Kukholwa kuta ngekuva, nekuva Livi laNkulunkulu.”

¹⁰⁴ Manje kini nine lenidzingako, umphefumulo lowonako. Ngingeke ngente kubitela e-altari, kutsi wenyukele lapha e-altari, njengoba ifashini yelitabernakeli injalo, ngoba akukho ngisho nendzawo. Kunebantfu labeme batungelete emabondza. Kunebantfu laba—labangale ema-altari lapha, futsi yindzawo nje lapho singeke sikhone kukwenta khona. Kodvwa ngitonikhulekela manje. Futsi nje utfobele Khristu kuleli-awa, lapho ngisakhuleka.

¹⁰⁵ Nkulunkulu lotsandzekako, sitocela sihawu saKho sebuNkulunkulu kulemiphefumulo letisolako lekholvako kutsi Unguye, nemvuzi walabo labafuna Wena ngekutimisela. Futsi ngitoKucela kutsi ubenesihawu kubo, Nkhosi. Futsi noma ngabe yini lekhona, umdlavuza wekungabata, umdlavuza welulaka, simila sekungakholwa, kukhiphe nje manje, Nkhosi, futsi ubanike Moya loNgewe. Gcwalisa umphefumulo wabo ngebuhle baKho. Babhabhatisele embusweni waKho njengamanje, njengoba baphakamise tandla tabo ekuvumeni kwekuholwa kwabo. Futsi sicela Wena, O Nkulunkulu lonesihawu, kutsi ubentele loku.

¹⁰⁶ Ngoba bantjintje imicabango yabo ye—yekukhukhuleka yonkhindzawo elwandle. Bebafanle bangene esikhumbeni futsi bahleshulwe yinkhosи lenguMakhi, futsi benta sidalwa lesisha kuKhristu Jesu, futsi bafakwa emandla ngaMoya waKhe, babuswa yintsandvo yaKhe. Ngako baphe kona manje nje, Babe, njengoba ngekutifoba sicela eGameni laJesu, iNdvodzana yaKho.

¹⁰⁷ Futsi manje, Nkhosi, bekunetandla letinengi letiphakama emoyeni, noma letatenyukela emoyeni. Bayacondza kutsi bebaye lena nalena, labanengi babo. Bashayele emakhilomitha lamanengi kuvundla e-etifundzeni, kutsi befike ekubeni ngumuntfu lotsite-tsite lokhulekela labagulako. Futsi betile,

mhlawumbe, khashane entasi lapha. Futsi ngiyakutfokotela loko, Nkhosi. Kube-ke bebangakholelwa kimi, njengenceku yaKho ke? Khona-ke bebangeke bete. NgiyaKubonga ngekubenta babe nekukholwa emkhulekweni wami.

¹⁰⁸ Nkhosi Nkulunkulu, ngikhulekela ngekutifoba ngamunye njengamanje, kutsi Wena, Nkulunkulu lomkhulu waseZulwini, utohambahambisa uMoya loyiNgcwele waKho emphilwemi yabo, futsi ujube konkhe kungakholwa. Bente bati kutsi kukutsi, "Kukholwa kukuncoba." Hhayi umuntfu lotsite wasemhlabeni, hhayi libandla lelitsite, noma umkhuleko lotsite lovela kulomunye umuntfu, lokukutsi konkhe kuyasita, kodvwa kukholwa kuncoba.

¹⁰⁹ Sifundza lapho iNdvodzana yaKho, uMsindzisi wetfu, "Waya eveni laKubo luCobo, futsi kwakukhona labo labatsi, 'Ngubani loMfo? Akusyo yini indvodzana yembati leyo? Ngabe asiMati namake waKhe? Neligama lakhe nguMariya. Futsi nangu Juda, naJonase, nabodzadzewabo.' Futsi bakhubeka ngaYe. Futsi Wamangala ngekungakholwa kwabo, futsi bekangeke ente imisebenti yemandla."

¹¹⁰ Siyacondza, akunandzaba kutsi lomuntfu angatsandvwa nguWe kangakanani, kepha noko kukholwa kwetfu kukuncoba. Ngiyakhuleka, Nkulunkulu, kutsi Utovumela umuntfu aphume kuloku, futsi utikhombise Wena lapha kusihlwa, lapho kukholwa kugcilile emigomeni yeluvuko lweNkhosi yetfu. Akafi, kodvwa Uyaphila kute kube phakadze. Futsi Wenta setsembiso, "Ngitawuba nani, sonkhe sikhatsi, kuze kube sekuphele ni kwemhlabo." Futsi siyakholwa kutsi Ulapha.

¹¹¹ Futsi siyakhuleka, Nkulunkulu Lotsandzekako, kutsi kusihlwa, kutsi Utotikhombisa Yena lucobo lobonakalako, lokhona. Futsi kwangatsi ke uMoya loyiNgcwele ungarabamba yonkhe inhlitiyo, futsi wente kuhlindvwfa ekukholweni, kute bancobe kugula kwabo, netinhlupheko tabo, netifo tabo. Phuma lapha nekukholwa lokumisiwe, akunandzaba, uma kungenteki ngisho nayinye intfo, noko kutodala kukholwa lokutsi sekwentiwe. Loko kuncoba. Kuncoba live. Ngoba sikucela eGameni laKhe nangenkhatimulo yaKhe. Amen.

¹¹² Kulukhuni nje kubona kutsi bengingalibita kanjani lilayini lalabakhulekelwako. Ngoba lowomnyango uminyeteleke kuya esitaladini, futsi loku kuminyeteleke kuya esitaladini, nangasemafasitelweni, ngaseminyango, nasetulu lapha. Beningakutama, uma nifisa kutsi mine ngikwente. Nggingatama kubita lilayini lalabakhulekelwako.

¹¹³ Kodvwa bengingasho loku, emvakwalentfo lena. Ngishumayele lokugculise mine lucobo. Ngiyakholwa, uma nje nitohlonipha ngekutifoba, futsi nje nitsatse konkhe kukholwa leninako, njengekukholwa kwemuntfu, bese nikunikela etandleni taNkulunkulu, futsi nitsi, "Manje, Nkhosi, tsatsa

loko lokuncane kwami ngifanele ngikunike Wena, futsi yumela kukholwa kwaKho kute kimi,” Ngiyakholwa kutsi Utoniphilisa, futsi ngivumeleni nginibite langembili lapha, ngaphandle ngisho kwekutsi nikhuphukelete lapha nhlobo. Ningakukholwa loko na? Kodvwa uma unelikhadi lakho lekukhulekelwa, bambelela kulo, sitolisebentisa, nomakanjani. Ngako, siyakholwa. Manje, ngitotsandza... Loko nje kusandza kufika manje nje emcondvweni wami.

¹¹⁴ Ngoba, Billy Paul ungitjelile lapho sisangena nje, emizuzwini lembalwa leyendlulile, ukhiphe lamanye emakhadi ekukhulekelwa namanje kusihlwa. Ngoba, sitsetse sicuku impela itolo ebusuku. Futsi watsi, “Bekukhona labanye ekhatsi lapho, babe, labebafuna emakhadi ekukhulekelwa. Futsi ngibaniketile emakhadi ekukhulekelwa.”

Ngatsi, “Loko kulungile.”

Watsi, “Kodvwa utolibita kanjani lilayini lalabakhulekelwako na?”

¹¹⁵ Khona-ke lesicuku besisemuva lapho. Manje bakuto tonkhe tinhlangotsi. Ngako kulukhuni kutsi kube nendlela yekukwenta, kubita lilayini lalabakhulekelwako. Asi...

¹¹⁶ Ngumuphi umehluko wenu lenime lapha, noma lohleti lapho nikhona na? Kodvwa kutobita kukholwa lokutsite kwenta loko. Kutobita kukholwa kwakho, kuhlangene nekukholwa kwami, ngekukholwa kwaNkulunkulu. Kuhlanganiseni ndzawonye, nekukholwa kwami nekukholwa kwenu kuyoshabalala, nekukholwa kwaNkulunkulu kutokwengamela, nemisebenti itokwentiwa.

¹¹⁷ Ngifuna nje kunibuta loku, etikwaletisekelo leti. Niyakukholwa loku kutsi kuLivi laNkulunkulu na? Ungeke ucambe emanga, ke, uma kuLivi laNkulunkulu. Lifanele libe liciniso. Khona-ke, uma kuLivi laNkulunkulu, futsi kuliciniso, khona-ke Ubophelelekile kulo lonkhe Livi Lalikhuluma ekhatsi lapha. Ubophelelekile kugcina leloLivi.

¹¹⁸ Manje, kube bewugula futsi bewufa nge-lukhemiya, noma umdlavuza, noma ngabe yini lobewunayo, sifuba sengati, futsi uta etulu lapha, futsi waletsa bonkhe labashumayeli lebesibati, kulesakhiwo, futsi ubaletse lapha futsi ubakhulekele, ngamunye wenu, nomakunjalo, ngaphandle uma wena lucobo unekukholwa, bekungeke kusebente. Niyabona na?

¹¹⁹ Kodvwa uma lomunye angaphiliswa, mhlawumbe emvakwekuba sewucaphelile, loko kwaphiliswa noma batisho kutsi baphilisiwe, loko kutosita kukholwa kwakho, ngoba utobona kutsi baphilisiwe.

¹²⁰ EDurban, eNingizimu Africa, kungasikadzeni nje, ngangikhuleka futsi baletsa umuntfu munye ngembili. Futsi niyayati lendzaba. Ngiyicole kulabanengi benu.

Kutsi waphiliswa kanjani lowo wesifazane munye lapho, anguwaka Mohamede. Futsi nje banaletinengi kakhulu letivela esiveni ngasinye. Lokukutsi, letinye tive letingemashumi lamabili, noma ngetulu, tatalpho. Kwase kutsi-ke uma sekufika endzaweni, kumfana lobekakadze atelwe, wagobondzela, wahamba ngetandla takhe.

¹²¹ Futsi ngesikhatsi Moya loyiNgcwele acala kumtjela...Beka ngum—ngumZula. Futsi ngesikhatsi Moya loyiNgcwele acala kukhulum, futsi atjele leyondvodza, lihothenthothi lase-Africa, lelingati nekwati kutsi ngusiphi sekudla nesandise, futsi wamtjela kutsi bekangubani, bavuka bahlala. Netinyanga batsakatsi tasukuma, timangele. “Tintfo tini leti?” basho njalo. Netikhulu lebetishayiswa umoya ngetishayisa moyo, tenta tishayisa moyo tema.

¹²² Kodvwa Kwatsi, “Kuguca wakho lapho uhlala khona, kunesitfombe seNkhosi yami, silenga elubondzeni.” Neyise nenina, emuva le ekhatsi lapho, nemakhulu etinkhulungwane tebantfu, bavuselwa kutsi bafakaze liciniso.

¹²³ Futsi watsi, “Manje, loko, unemnakabo lobekagibe imbuti lemftubi noma inji, futsi walimata umlente wakhe, futsi uhamba ngelubhoko. Futsi ukhona emhlanganweni. Kodvwa kukholwa kwakhe njengamanje kuncobile, futsi sewuphilisiwe.” Ngoba ngani na? Loko kwetfuka kwemlungu, bekangeke ngisho akhulume lulwimi lwakhe, amtjele kutsi bekangubani, nekutsi kwakwentekeni. Hloboluni lwemandla lolwalungilo na?

¹²⁴ Nalomfana wakuva loko ngekuhumusha, wase ulahla phansi timboko takhe. Futsi nangu eta, agijima futsi agcuma, ngenjabulo.

¹²⁵ Futsi ngesikhatsi umnakabo, lobekangati kutsi ngusiphi sandla sekudla nesandise, kodywa acabanga kutsi ngangitama kumtfola kutsi ente u—umdanso, umdanso wemdzbabu. Ngekubona umnakabo agijima futsi agcuma, kwenta lokutsite kuye. Wase wendlula sivimbelo sesono sekungakholwa. Futsi ngabuka emuva, futsi kwakunembono, lowamtjela kutsi eme ngetinyawo takhe. Waphiliswa.

¹²⁶ Nalomfana, kungekho ngisho buhlakaniphi lobenele, nemcondvo lowenele, kwati kutsi ngitsiteni, emvakwekuba umhumushi sekamtjelile. Futsi bekaneluketane entsanyeni yakhe. Ngase ngiyalibamba loluketane, futsi ngatsi, “Jesu Khristu uyakusindzisa. Sukuma.” Lowomfana lowatalawa ahlaelekile, wema ngetinyawo takhe. Akusiko loko kuphela, kodywa asemcondvweni wakhe lophilile. Tinyembeti tehla ngesisu sakhe lesimnyama. Nenkhimatulo yaNkulunkulu yawela kuleyondzawo lapho, aze emahedeni latinkhulungwane letingemashumi lamabili nesihlanu aphiliswa ngasikhatsi sinye.

¹²⁷ Yini labayenta na? Ngekusa lokulandzelako, bengihleti efasitelweni, emvakwekuba umphatsi-dolobha sekafikile, watsi,

“Buka ngephandle kulelofasitelo. Unalokutokumangalisa.” Futsi ngekusa lokulandzelako, naku kuta emaloli lamakhulu etinkhomo lasikhombisa agcwele timboko tekuhamba, netitulo temasondvo netintfo, ehla nge...Behla ngesitaladi, nebantfu lobekakubo, ngebusuku bangayitolo, bahamba behla ngesitaladi. EmaZulu, emaShangane, neBazuta, nemaXhosa, tonkhe letive letehlukene lebetinetimphi lesinye nalesinye; kwakukuthula, kubanjwene ngesandla, bahlabela, “Konkhe kungenteka, kholwa kuphela,” ngeluwimi lwabo lwemdzabu.

¹²⁸ Ngasukuma kulelifasitelo, ngase ngibeka tandla tami emoyeni, futsi ngaphendvula, “Umusa lomangalisako, umnandzi kangakanani lowomsindvo lowawungasindzisa lolusizi njengami.” Kwakuyintfo lebukeka iyinhle kakhulu emehlwени ami cishe lengayibona, ngaze ngabona iNkhosi embonweni, ngalessosikhatsi.

¹²⁹ Kuyini na? Kunyakatisa lokutsite. Labantfu labo bebangekho kulokundandako nje. Bebangakaze beve phambilini. Futsi ngesikhatsi beva, njengebulula lobunjengebemntfwana, bavele bakutsatsa. Nguloko kuphela lokwakukhona. Bavele nje...Bebangadzingeki kutsi babenekuhlindvwa. Bavele bakubona nje base bayakulandzela, futsi kwakukwabo. Kwakungekho muntfu lobekangabatjela noma ngukuphi kwehluka; bese bakubonile kwenteka.

¹³⁰ Manje, uma iNkhosi Jesu isaphila, futsi ilapha eJeffersonville, e-Indiana, kulawa ema-United States aseMerica, uma nje AnguNkulunkulu lofanako lobekakhona lapha ngalolobunye busuku, kuniketa lowomshumayeli loyimphumphutse kubona kwakhe, UnguNkulunkulu lofanako lonikete lowomntfwana lomncane lone-lukhemiya, afa, ngesikhatsi bodokotela ngekusa lokulandzelako bamemetela kutsi uyaphila.

¹³¹ Madvutane nje, nginendzatjana yako khona lapha, ngiyakhola, kulenyе yaletincwadzi leti. Anginasiciniseko. Bengikufundza nje ngalelelinye lilanga, futsi ngicabanga kutsi ngikubeke emuva kulenyе yaletintfo leti lapha. Ngingahle ngingabi...Anginasiciniseko. Kodvwa bengifundza indzatjana levela kulomunye we...Naku, khona lapha. Lelinyе lemaphepha enhla lapha e—eMich-...Noma, yeboke, kwakusemkhankhasweni wami wekugcina etulu lapha, indzatjana ephepheni. Lapho kwakukhona wesifazane, ngi... KwakuseBurlington, eVermont. Ngesikhatsi sekajabhile. Akazange alitfole likhadi lekukhulekelwa kulabafana ngalelolanga. Futsi Gene, naLeo, naBilly, nalabanye bebatokuba lapha, lobekalapho. Futsi bekahleti emuva le, futsi khona masinyane nje...Watibuta kutsi kungani angakhoni kungena kulelo layini lalabakhulekelwako.

¹³² Futsi umuntfu wekucala weta, futsi Kwatsi, “Wena unguNkkt. *S'bani-bani*, lovela endzaweni *letsite*, nentfo letsite, intfo letsite yentekile.”

¹³³ Ngaso lesosikhatsi wephula lesosivimbelo. Watsi, “Bengimati lowo wesifazane. Futsi ngiyati kutsi lelo liciniso.”

¹³⁴ Angakacabangi nje kadze enhlitiywени yakhe, waze Moya loyiNgewe le lomkhulu wangibita lapho, futsi watsi, “Nkkt. *S'bani-bani*, lohleti *lapha*,” emuva le, ungaliphindza kabili libanga lalesakhwi. “Lodzadze lomncane ekugcineni, logcoke ingubo leluhlata-satjani.” Watsi, “UnguNkkt. *s'bani-bani* ligama.” Watsi, “Uphetfwe sifo sekunklinklita. Uba nekuwa kane noma kasihlanu nsuku tonkhe.” Futsi watsi...Futsi wagcuma wema ngetinyawo takhe. Lowo kwakunguye. Futsi bekamangele kakhulu, bekangati kutsi enteni.

¹³⁵ Futsi watsi, “Akusiko loko kuphela, kodvwa uphatseke kabi kakhulu ngoba umyeni wakho useSibhedlela semaSotja lamadzala, futsi lapho empeleni bakhiphe sonkhe sisu sakhe. Futsi manje lesifo sesingene kulenyе incenye yemtimba wakhe, futsi akukho tfuba lekutsi aphile, kusho bodokotela.” Futsi lowesifazane, netinyembeti tehla etihlatsini takhe, njengoba liphepha lichaza, waphakamisa tandla takhe, kutsi lelo kwakuliciniso.

¹³⁶ Ngalesosikhatsi nje, embonweni, ngabona umyeni wakhe eta ekhaya. Ngase ngitsi, “ISHO KANJE INKHOSI. Ungakhatsateki. Utoba sekhaya, asindzile.”

¹³⁷ Futsi ngekusa lokulandzelako, nakaya kuyohlolwa, kutsi ahlindvwе futsi, ngesikhatsi letotigadla letinkhulu tesifo seHodgkin betivumbuka emtimbeni wakhe. Bodokotela... Watsi, “Angiva ngisho kwasasigadla nje.” Nabodokotela bamhlola, bangatfoli kwasasigadla. Bamfaka ngaphansi kwe x-reyi batsatsa lonkhe luhlolo, futsi bekaphile saka. Futsi wabuya ekhaya ngelilanga lelilandzelako, akahle nje futsi aphile saka.

¹³⁸ Ngani na? Kukholwa kukuncoba. Kute likhadi lekukhulekelwa, kute kubekwa tandla, kute salutfo nje, kodvwa kukholwa kukuncoba lokuncoba konkhe. Nguleyo indlela.

¹³⁹ Umhlangano wami wekugcina eChicago, kwakukhona dzadze lolikhalatsi eme ngembili. Ngi—ngiyacolisa, ngikholwa kutsi kwakunguwesifazane lomhlophe lobekeme ngembili.

¹⁴⁰ Futsi busuku bangayitolo, wesifazane lomdzadlana waseSweden bekalapho, naBilly umbonile afinyelela phansi futsi abeka imali lenengi kakhulu emnikelweni weMnaketfu Osborn, kuwakhe wase-Africa, lubito IweBlack Gold, umkhankhaso wakhe. NaBilly watsi kimi, “Wakwenta kanjani lowesifazane lophuyile lomncane, naleyongubo lebukeka inemabala layigcokile, waze wabanayo kanjani leyomali lengaka kuyibeka emnikelweni?”

¹⁴¹ Futsi ngako ngesikhatsi Billy acala kuphuma, lowesifazane watsi, “Nginike likhadi lekukhulekelwa, s’thandwa.”

¹⁴² Watsi, “Angisenalo lelinye futsi.” Wahamba waya ngale kuGene noma Leo, munye, bekawaniketa, futsi wabuta. Besebangenalo nabo lelinye.

¹⁴³ Ngako watsi, “Dzadze, ngitokubona kusasa ebusuku futsi ngikunike linye.”

¹⁴⁴ Watsi, “Kulungile, s’thandwa,” futsi wenyukela kuvulande losesitezi ndzawanatsite futsi wahlala phansi. Bengingati ngako.

¹⁴⁵ Khona-ke uma ngingen, langembili ngalobo busuku, futsi lomunye wesifazane bekangembili... Yena bekahleti etulu lapho, futsi wabhobokela ngale kulesosivimbelo, endzaweni lapho Nkulunkulu asebenta khona ekukholweni kwakhe. Lapho, ngesikhatsi ashaya kuleyondzawana, Kwatsi, “Loyo wesifazane lohleti etulu laphaya, kuloyo vulande wesibili, umuntfu wesibili ngekhatsi, agcoke leyo lencane, ingubo lesikoshi, ligama lakhe nguNkhosatana. *S’bani-bani*, futsi *ngako*. Futsi ukhulekela umyen i wakhe longumetfali wemtfwalo kaloliwe; akeva endlebeni yinye.” Futsi wacishe waculeka impela. BekaliLuthela. Futsi ngesikhatsi efika ekhaya... NeNkhosi yatsi, “ISHO KANJE INKHOSI. Uphilisiwe.”

¹⁴⁶ Ngesikhatsi efika ekhaya ngalobo busuku, bekeme emnyango, atfokota. Futsi ngawo lowomzuzu lofanako, indlebe yakhe yavuleka, ngesikhatsi ahleti esihlalweni ehhovisi lemetfali wemtfwalo.

¹⁴⁷ Wesifazane lolikhalatsi lohleti ngephandle lapho, wakubona loko, futsi wakholwa. Futsi bekakholelwadzadzewabo lobekakadze aneminyaka lelishumi asesibhedlela salabagula ngengcondvo eLittle Rock, indzawo yekuvikela labagula ngengcondvo. Futsi Moya loyiNgcwele weta kuye, wase uyamtjela kutsi bekangubani, nekutsi dzadzewabo kwakungubani. Futsi watsi, “Bekanekutfukutsela lokumatima, angcundzisa inhloko yakhe elubondzeni, iminyaka lelishumi. Kodvwa, ISHO KANJE INKHOSI, usandza kophiliswa nje.”

¹⁴⁸ Futsi ngekusa lokulandzelako, ngesikhatsi bendlula emnyango, lomethroni wamtfola eme emnyango, acela kuphuma, akuwakhe nje lokahle, umcondvo lophilile. Watfumela ligama kudzadzewabo, eChicago, futsi wamemeta kakhulu. Watsi, “Nkulunkulu Lonesihawu! Nguloko lokwashiwo langembili itolo ebusuku!” Watsi, “S’tandwa, ngiyati awunamali, kodvwa ngitokutfumelela lithikithi lendiza ngalokukhulu kushesha. Fika lapha. Lomhlangano uvalwa kusasa ebusuku.”

¹⁴⁹ Nalowesifazane lobekakadze asesibhedlela sengcondvo, iminyaka lelishumi, busuku lobulandzelako bema ngembili futsi baniketa ludvumo kuNkulunkulu Somandla.

¹⁵⁰ Kwakuyini na? Dzadzewabo wabbobokela kuleyondzawo yetinfo telive. Tintfo telive atisho kuperhela kubhema, nekunatsa, nekuhamba imibukiso. Kusho kungakholwa. Wephula konkhe loko, waze watfola kutsi kukholwa kwakhe kuyancoba. Watsi, “Uma Nkulunkulu angenta loko akwentele lowo wesifazane longumlungu, Nkulunkulu angangentela loko, wesifazane lolikhataltsi.”

¹⁵¹ Nkulunkulu wakwenta. Futsi Nkulunkulu utokwenta ngasosonkhe sikhatsi lapho kukholwa kwetfu kuncoba kungabata, akunandzaba kutsi kubi kanjani. O, Uyaphila!

¹⁵² Ngabe bakhona yini bantfu lapha lokwenteka kutsi bekaseChicago ngalobo busuku, labeva lowesifazane afakaza na? Phakamisani tandla tenu. Yebo-ke, yebo, bukani konkhe lapha. Impela, bekalapho, wesifazane lobekakadze asesibhedlela yonkhe leminyaka.

Kuyini na? Kukholwa kuncoba.

¹⁵³ Manje, lowo Jesu lofanako ulapha kusihlwa. Khona-ke, uma ngingakhulula kukholwa kwami, esetsembisweni saKhe, khona-ke Utobuya ngco futsi ente intfo lefanako, uma ungavumela kukholwa *kwakho* kukhuleke esetsembisweni.

¹⁵⁴ Uma Atokwenta kunoma ngumuphi wenu lohleti ngaphandle kuletotetsameli, nitokholwa kutsi Usaphila na? Ngabe nguleyondlela Lenta ngayo ngesikhatsi Alamhlaben? Nguleyo indlela baphostoli labenta ngayo na? Pawula wabuka etikwendvodza, nakanjalonjalo. Futsi ngesikhatsi Jesu atjela lowesifazane emtfonjeni.

¹⁵⁵ Ngesikhatsi lowesifazane atsintsia sembatfo saKhe, wase uyaphuma futsi wahlala phansi, Wagucuka, watsi, “Ngubani loNgitsintsile na?” Bekangati kutsi ngubani lowatsintsia, ngako Watsi, “Ngubani loNgitsintsile?” Bonkhe baphika. Watsi, “Kodvwa Ngiphelelwe ngemandla. Emandla aphumile kiMi.”

¹⁵⁶ Futsi Wacalata waze Wamtfola lowesifazane lobekakwentile. Bekanemopho. Futsi wamtjela, “Kukholwa kwakho kunekuncoba.” Kuyini na? Akazange atsi, “Ngikuphilisile.” Watsi, “Kukholwa kwakho kukusindzisile. Wenteni na? Bewunekukholwa lokuncobako, kwabuswa futsi kwanyatsela phansi konkhe kungabata.”

¹⁵⁷ “Ngoba watsi ngekhatsi enhlitiyweni yakhe, ‘Uma ngingatsintsia sembatfo saKhe, ngitosindza.’” Jesu bekane... Bekafanele atsatse loko ngentfo letsite layicabanga emcondvwensi wakhe lucobo.

¹⁵⁸ Nali Livi laKhe luCobo, litisho kutsi Bekatoba lapha kulolusuku futsi ente lokufanako Lakwenta ngalesosikhatsi. “Kusesikhashana nje nelive lingeke lisangibona, kepha nine nitawuNgibona. Lemisebenti lengiyentako Mine, nani nitawuyenta, ngisho naaleminengi kunalona nitowenta. Ngiya

kuBabe waMi, futsi niyokwenta lokungetulu kwaloku.” Naku ke. Siphila kulolusuku lwekugcina. Jesu ulapha.

Asikhuleke, futsi asikholve. Futsi nikholwe ngisakhuleka.

¹⁵⁹ Nkhosi, nali licembu lebantfu. Futsi Wena unguNkulunkulu lomkhulu. Siyabona eBhayibhelini, lapho Waphilisa khona ticuku. Lapho loko eluhambeni lwa-Israyeli, Mosi, ngesikhatsi baphuma ehlane, kwakungekho namunye umuntfu logulako emkhatsini wabo. Wena unguDokotela lomkhulu. UnguMhlindzi lomkhulu. Futsi manje, Nkhosi, akutsi labantfu labalapha labagulako kusihlwa, emtimbeni wabo noma emphefumulwени wabo, kute nje manje babeke licala labo etandleni taKho, iNyanga lenkhulu. Futsi ubahlindze, Babe, kuze kufike lapho khona konkhe kungabata kwabo kususwa khona. Manje, Livi laKho latsi Wena u “nguye itolo, namuhla, naphakadze.” Siyakhuleka kutsi Usebentise loko kube ngumukhwa, futsi wehlise lowomukhwa futsi utimemetele Wena lucobo kutsi uyafana. “Ngitawuba nani, ngibe ngisho nakini.” Bese-ke, Nkhosi, uma bantfu babona kutsi Ulapha, kwangatsi kukholwa kwabo kungacanca ngetulu kwato tonkhe tifo letikhona kulesakhiwo, tesono noma kugula, futsi tiphiliswe. Ngoba sikucela eGameni laJesu. Amen.

¹⁶⁰ Ngabe niyasiconda yini noma niyasibonga lesikhundla langibeka kuso na? Manje bukani lapha. Kunebantfu cishe labangemakhulu lamabili nemashumi lasihlanu labeme lapha, noma ngetulu kwaloko, ngiyacabanga. Ya, ngiyacabanga kunalabanengi labanye. A—angati. Kodvwa kunelibandla lelikhulu lenu lengingalati. Bangakhi lapha longati... Uyati kutsi angikwati noma angati kutsi yini lengalungi ngawe na? Phakamisa sandla sakho. Yebo, mnumzane. Yebo-ke, ukhona, yonkhe indzawo. Impela. angati, kodvwa Yena uyati.

¹⁶¹ Manje, uma Ato...uma nje utotifoba wena lucobo kuYe futsi niMvumele akhulume nani ngekukholwa lokufanako lowesifazane lebekanako, nitoMkhholwa na? Uma—uma kuku... Uma noma yini iliciniso lelifikazelwe, liciniso lelifikazelwe.

¹⁶² Uma umuntfu lotsite eta lapha futsi atsi, “Nginelikhambi lemmdlavuza.” Wakhiphela umdlavuza lapha, ungena esimeni lesibi, futsi watsatsa bodokotela waya nabo entasi futsi wafakazela kubo kutsi umdlavuza ungelapheka, wonkhe umuntfu emhlabeni bekangagijimela kuloko, ngalelokhambi.

¹⁶³ Ngani, mnaketfu, ngimbonile Jesu Khristu aphilisa tinhlupho letinengi kakhulu! Kepha, noko, Ubata intfo yinye kuphela, “Uma utokholwa.” Loko kubonakala kuyintfo lelukhuni kakhulu. NgiMbonile avula emehlo etimpumphutse, enta tishosha tihambe. NgiMbonile avusa labafile, emvakwekuba sebafile, batjelwa ngudokotela. Tintfo letinengi kakhulu, bekungatsatsa...Bingeke ngiyibale

imicukutfu yetincwadzi, kusho loko lengimbone akwenta, cobo lwami. Kepha noko kulukhuni kakhulu, kutsi ukukholwe.

¹⁶⁴ Manje uma nonkhe nine bantfu labagulako ekhatsi lapha . . . Ngifuna wonkhe umuntfu ahloniphe ngekutitfoba nje ngako konkhe leningakwenta. Manje, ngiyakholwa . . .

¹⁶⁵ Ngilikholwa lelikhulu emizweni. Ngiyakholwa, kutsi nomayini lete imizwa ifile. Uma inkholo yakho ingenawo umuzwa lomncane ngayo, kuncono uyingcwabe. Ngoba . . . Kodvwa kunetikhatsi tato tonkhe tintfo.

¹⁶⁶ Uma uta kimi, futsi bengingakuniketa kona. Futsi utsi, "Mnaketfu Branham, ngifuna emadola lalikhulu." Ungeta nje ngenhloniphо sibili, futsi utsi, "Mnaketfu Branham, ngidzinga emadola lalikhulu kamatima." Futsi—futsi uyati beninemadola lalikhulu ekhukhwini lami, futsi uyakholwa kutsi etikweyami . . . kusebenta ngekuvelana kwami, kutsi ngitokunika lawomadola lalikhulu. Yebo-ke, manje, bewungema lapho ngenhloniphо yekutitfoba, ulindzele kuwemukela.

¹⁶⁷ Khona-ke ngesikhatsi ngikunika lawomadola lalikhulu, bewungamemeta kakhulu nje njengoba bewufuna kukwenta. Unemadola lalikhulu esandleni sakho. Niyabona na?

¹⁶⁸ Manje, kodvwa, uma uta, wota ngetinhloniphо. Ungeti, umemeta kakhulu, futsi ungicele lamadola lalikhulu; ngingahle ngingakucondzi. Niyabona na? Kodvwa wota, ungicele. Bese-ke uma ngikunika emadola lalikhulu, bese sewucala kumemeta kakhulu. Ngako ngesikhatsi . . .

¹⁶⁹ Asite kuNkulunkulu futsi siMcele kutsi anyakatise uMoya loyiNgeweles waKhe, ngekhatsi kwemabondza noma ngaphandle kwemabondza, noma kungaba kuphi. Anginandzaba kutsi ume kuphi. Noma ngabe kukuphi, anginandzaba. Uma kungephandle kwalelive, futsi ukhulekela lotsite, UtoKususa. Asesibone nje.

¹⁷⁰ Nkulunkulu watsi, "Ase uNgihlole." Leyo yindlela lenhle kufakazela kutsi ngabe Nkulunkulu unguNkulunkulu yini, noma cha. "Ase uNgihlole," isho iNkholosi.

¹⁷¹ Manje, uma AnguNkulunkulu, khona-ke, futsi siyati kutsi Unguye, asimcele Yena kutsi ente letintfo lapha, kusihlwa, Latenta, futsi-ke ningeke nidzingeke nenyukele lapha. Futsi uma sekwentiwe, lokungenani bantfu labatsatfu labehlukene, kulesakhwiwo sonkhe, uma Kwenteka ku, uma Kushaya kubantfu lengibatiko, a—angifuni kwemukela loko njengaloyedvwa, niyabona, NgiKufuna kutsi, kube kumuntfu lengingamati.

¹⁷² Manje, kuya mayelana nekwati tifo, kunamunye kuperhela umuntfu ekhatsi lapha, lengimatiko, wanoma ngusiphi sifo; futsi leso akusiso sifo. Lowo ngumngani wami, futsi lolungile, lomncane, Edith Wright, lohleti laphaya emuva. Ngiyamat. Sewugule iminyaka. Samkhulekela, futsi akazange . . . Waphuma ebuhlwgini ngalesosikhatsi, kwase kusikhatsi lesidze.

Kodvwa iNkhosi ayikaze ikhulule lentfombatane ekuhlaselekeni kwayo. Ngiyati kutsi yini lengalungi nga—Edith. Ngaphandle kwaloko, angati muntfu ekhatsi lapha, kutsi unesifo sini lonaso.

¹⁷³ Kodvwa uma ungati, khona-ke ngi—ngingamane kube njalo, kute nitobona kutsi akusimi, kutsi yiNkhosi.

Manje khulekani. Ngitokhuleka. Futsi asikholve nje iNkhosi.

¹⁷⁴ Futsi manje, Dzadze Gertie, ngekunesa nje ngangoba ungakhona, ngifuna udiale, “INyanga lenkhulu manje seyisedvute, Jesu loneluvelo.”

¹⁷⁵ Ngibuka ngesheya lapha kuMnaketfu Banks Wood, umngani wami. Noma ngubani uyati, lowati uMnaketfu Wood lapha etabernakeli, unglomunye wemagonsa lapha. Kodvwa kucala bekanguFakazi wakaJehova. Luku impela kwakuyintfo kuye, kodvwa, ngesikhatsi efika eLouisville futsi wabona iNkhosi yenta lokutsite...Bekanemfana lokhubatekile, lotsi nje kufa luuhlangotsi futsi kwadvonsa umlente wakhe wafinyela. Futsi walanzela imihlangano. Ngangingati. Angizange sengike ngive ngaye. Kodvwa ngesikhatsi enyukela lapha e...Ndzawanatsite, ngibuya ngesheya kwetilwandle, ngivelva eSweden, ahleti emuva le kulesakhiwo, ngalobo busuku, iNkhosi Jesu yabita kulowomfana, Davide, futsi yamphilisa. Futsi namuhla, lomfana kulukhuni kutsi ati kutsi kwakungumuphi lomlente, laphiliswa kuwo. Niyabona na?

O, emakhulu etintfo! Uma nje utokholwa!

¹⁷⁶ Manje, ngalesinye sikhatsi ngingacabanga ngako, futsi impela ngikucelile loko. Ngiyakhumbula, kwaku...Ngibona bantfu labama-Amish, ngyakholwa, noma ke emaMennonite, munye, kulesakhiwo, nabodzadze labancane bagcoke emakepisi abo lamancane. Nguloko nje lokwangibangela kutsi ngicabange loko. NgangiseFort Wayne, e-Indiana. Futsi kwakukhona intfombatane lencane lengumMennonite leyemukela Moya loNgcwele. Noma, mhlawumbe kwakungum-Amish. Kwakungulomunye walabo, lomunye walabobantfu, noma umMennonite noma um-Amish. Futsi bekayi—yintfombatane letsandzekako. Futsi yayidlala, “INyanga lenkhulu manje isedvute, Jesu loneluvelo.”

¹⁷⁷ Futsi bekukhona lu—luswane loluncane lebeluletfwe etandleni tami, lolwalukhuatekile. Futsi ngesikhatsi ngikhuleka, loluswane loluncane lwaphiliswa. Lwagcuma lwaphuma emikhonweni yami futsi lwagijima lwehla ngembili. Nalomake waculeka.

¹⁷⁸ Nalentfombatane lengum-Amish noma iMennonite beyimati lodzadze. Futsi yona...Moya loyiNgcwele wayishaya yase icala kumemeta. Futsi yaphakamisa tandla tayo futsi yagijima yesuka kupiyano.

¹⁷⁹ Nepiyano ayizange igeje ngisho linye linothi, idlala, “INyanga lenkhulu manje isedvute, Jesu loneluvvelo.” Yehla ngetikhala taleto titulo, kusuka yonkhe indzawo, bantfu bebaminyetelene kulomunye nalomunye. Naleto tinkinombo letimhlophe tatihamba tehla tenyuka, “INyanga lenkhulu manje isedvute, Jesu loneluvvelo.” Futsi bona balele phansi esiyilweni, etikhahleni tetitulo, bancoba nge—ngekwesaba, noma, kwe, noma, bukhona baMoya loyiNgcwele.

Usaphila. Usenguye Jesu.

¹⁸⁰ Manje ake sitsi nje ngekuthula sihamishe loko umzuzu nje. Khona-ke si... khona-ke sitobona kutsi iNkhosi itsini. Wonkhe umuntfu manje hhalani ekukholweni. Calani kubuka ngalapha, futsi ukholwe ngayonkhe inhlitiyo yenu.

INyanga lenkhulu ikhona lapha,

¹⁸¹ Nkhosi Jesu, ngiyakhuleka kutsi Utokwembula loko lokusetinhlitiyweni. EGameni laJesu.

. . . inhlitiyo kutfokotisa,
O, vanini liPhimbo laJesu.

Linothi lelimnandzi kakhulu eculweni
leliserafi,
Gama lelimnandzi kunawo onkhe. . .

¹⁸² Manje nine bantfu labagulako calani kucosha konkhe kungabata. Labanengi benu abakaze sebakubone loku phambilini. Utsi, “Ngiyakukholwa, nomakunjalo.”

Jesu, Jesu loligugu.

¹⁸³ [Umnaketfu Branham uhamisha lelitsi *INyanga leNkhulu*, wase utsi kuthula imizuzwana lengemashumi lamatsatfu—Umhl.]

¹⁸⁴ Ngiyetsema ngite buhatsa. Kodvwa kubonakala nje kimi manje kungatsi ngiya ekamelweni lami, ngidvonse umnyango ndzawonye, ngingene ekulusini leliyimfihlo futsi ngivale iminyango. Ngivalela ngaphandle tetsameli letilapha manje, niyabona. “Futsi ukhuleke kubabe wakho lobona ekusitsekeni, futsi Loyo lobona ekusitsekeni utakuniketa umvuzo ebale ni. Cela, futsi utawuphiwa; funa, utawutfolo; nconcotsa, utawuvulelwa; ngoba nguloyo naloyo lofunako utawutfolo.”

¹⁸⁵ AwuMcabange lapha manje. Lolombona esitfombeni manje, lokuKhanya, leHalo, Akukho khashane. Lihlola imicabango. NguKhristu. “Sikhashanyana nje. . . Ngivela kuNkulunkulu, futsi Ngiyobuyela kuNkulunkulu.” Wawkwenta. Wabuyela emuva ngco kuloko Lebekangiko. Uma Abuya futsi, Uyoba semtimbeni wenyama njengoba Bekanjalo, iNkhosi Jesu.

¹⁸⁶ Wena ungahle utsi, “Mnaketfu Branham, wentani?” Ngitenta nje ngnikelwe lucobo. Manje loko yi. . . Ngime lapha nje.

¹⁸⁷ Loku akusiko kubukisa manje. Cha, mnumzane. Ungakucabangi loko, ube setinkhundleni letimbi.

¹⁸⁸ Kutama, kutama kucindzetela ndzawanatsite. Livi laNkulunkulu lisengcupheni. Ngitsite Bekangiko. Uma ke Kungenjalo ke? Uyohlala njalo agcina Livi laKhe. Angikwesabi loko.

¹⁸⁹ Lomunye, ndzawanatsite, utoshaya lowomphetfo wesembatfo saKhe. LiBhayibheli latsi, “Unguye manje,” khona manje, “umPhristi loMkhulu lonekuvelana nebutaksaka betfu.”

¹⁹⁰ Ungibuka ngebucotfo kakhulu, dzadze, lohleti lapho afake leyongubo leluhlata sasibhakabhaka. Angikwati, angikholwa. Angibonakali ngikhona kuchumana nanoma ngukuphi nekukholwa kwalomuny’umuntfu. Mhlawumbe bekungasita. Unesidzingo saNkulunkulu na? Uma ngisihambi kuwe, phakamisa sandla sakho. [Lodzadze utsi, “Angicabangi kutsi wena uyangati mine, Mnaketfu Branham, kodvwa mine ngiyakwati.”—Umhl.] Angikwati, kodvwa wena uyangati. Kulungile. Anginalwati kutsi uteleni lapha. Angikaze ngikubone emphilweni yami, ngekwati kwami. Mhlawumbe bewusemhlanganweni wami ndzawanatsite. Uma iNkhosi Jesu itongitjela kutsi yini inkhatsato yakho, bewutokukholwa na? Utufanele ukukholwe uma kuliciniso. Futsi mhlawumbe loko kutoniketa kukholwa kulabanye, kutsi baye emsebentini, niyabona. Angati. Ngikubonile nje uhleti lapho ungibuka. Awukaze nje uwasuse nje emehlo akho kimi. Usedvute.

¹⁹¹ Lona wesifazane lohleti ngembili lapha, ngiyamati. Labantfu laba *lapha*, ngiyati.

¹⁹² Bengingacabangi kutsi bengikwati. Angicabangi, kodvwa Yena uyakwati. Futsi uma unesidzingo, njengoba nje bewume lapha ngembili.

¹⁹³ Yebo. Manje noma ngubani angabona. Ngietsema ningakhona. Kubukeka kimi, kutsi, lowesifazane uyafiphala impela. Kodvwa unalenye intfo lengakalungi. Unesifo sesikhumba. Kunjalo. Phakamisa sandla sakho uma loko kuliciniso. Kusemtimbeni wakhe longakhombisi, kodvwa unayo. Kunjalo. Niyabona, kuchumana nje.

¹⁹⁴ Ngesikhatsi, “Watsi, ‘Sibuke.’ Futsi lapho babuke kuye ngco, Pawula watsi, ‘Ngiyabona kutsi unekekukholwa kutsi uphiliswe.’”

¹⁹⁵ Kutsiwani-ke ngalodzadze lomcane lohleti eceleni kwakho? Kutsi nje kudzabula lokuvimbile, kuya kuye, ngoba bekakhuleka naye. Angikwati. Sitihambi lomunye kulomunye. Kunjalo. Uma Moya loyiNgewe atongembulela kutsi iyini inkhatsato yakho noma kutsi uteleni lapha, noma lokutsite emphilweni yakho lowatiko kutsi angikwati, utokholwa kutsi yi... kutsi lawoMandla, eMandla langabonakali, avela kuKhristu

na? Ngifuna kukubuta lokutsite. Khona manje, unekutivela lokutsite kuwe, lokumnandzi sibili, lokumnene, kutivela lokutfobekile. Uma loko kunjalo, phakamisa sandla sakho. Niyabona na? Nguloko-ke. Khona ngetulu kwakho kume loko kuKhanya. Futsi uphetfwe yinkhatsato etinyaweni takho nemilente. Kunjalo. Akunjalo na? Jikitisa leloduku kubantfu, uma loko kungiko, kute batobona. Angicabangi kutsi uyoke uhlushwe ngiko futsi. Loko yi... .

¹⁹⁶ Yini leyenta loko na? Yini i... Kunebantfu lengingakaze ngibabone emphilweni yami. Yini lelekwentako na? Loko kubili.

¹⁹⁷ Kunensizwa lehleti eceleni ngco kwalowesifazane, khona lapho manje. Futsi ucale kukhala masinyane nje Loko kungamtsintsa. Ngulokunye nje ngalowo wesifazane... Cha. Yinsizwa, cobo lwayo. Ihlushwa ngumphimbo wayo nenhloko. Kunjalo. Ngikholwa kutsi usihambi kimi, nsizwa. Angikaze ngikubone. Kunjalo. Kunjalo, phakamisa tandla takho.

¹⁹⁸ Kunebantfu labatsatfu, labahleti elayinini. Angikaze ngibone, akukho kuchumana, emphilweni yami, nalabobantfu. Utokholwa na?

¹⁹⁹ Lomunye ngakuloluhlangotsi *lolu* manje, losekhatsi *lapha*. Bangakhi logulako nalodzingako, kulendlela na? Phakamisani tandla tenu, wonkhe umuntfu kulelisayidi, lodzingile. O, kukuyo yonkhe indzawo nje. Kulungile. Manje chubeka ukholwa nje.

²⁰⁰ Lendvodza lehleti, lengibukako, ufanele utfole Khristu noma ufe. Umdlavuza utokubulala. Nkulunkulu ungumphilisi.

²⁰¹ Lodzadze lomdzala lohleti *lapha*, khona lapha esitulwени. Uphetfwe yinkhatsato yesisu nesifo sekucacamba kwematsambo. Loko kungiko. Uyakholwa kutsi sekwentiwe na?

²⁰² Wena ucalata kuye. Uyakholwa na? Unesidzingo saKhristu na? Uyangikholwa kutsi ngiyinceku yaKhe? Lesosimila lofuna kususwa sona, uyakholwa kutsi Nkulunkulu utokwenta na? Angisiboni lesimila, kodvwa silapho. Sisentsanyeni yakho, lengemuva. Mhlawumbe uma ngikutjela kutsi unguNkst. Welsh, utongikhholwa ke? Kunjalo na? Kunjalo. Akunjalo na? [Lodzadze utsi, “Yebo, ngiko.”—Umhl.] Kulungile. Angikaze ngikubone emphilweni yami. Uyakwati loko. Uh-huh. Bani nekukholwa kuNkulunkulu.

²⁰³ Kunesibonakaliso sekufa etikwalowesifazane lomncane lohleti lapho, ngumdlavuza, nawo. Uyakholwa, dzadze, kutsi Nkulunkulu utokusindzisa na? Uyakholwa na? Uphetfwe ngumdlavuza. Sitfunti lesimnyama silenga etikwakho. Ngiyakutjela manje, sekuhambile, uma utokholwa.

²⁰⁴ Angimati lowesifazane. Angikaze ngimbone emphilweni yami. Angati ngisho namunye walabantfu laba, ngekwati kwami. Nitokholwa na?

²⁰⁵ Ngibuka indvodza. Angicabangi kutsi ngake ngayibona phambilini, emphilweni yami. Iphetfwe yi-herniya. Uyakholwa kutsi iNkhosi itokuphilisa, mnumzane, waleyoherniya, ikusindzise na? Umkakho unekugula kwemizwa nebutsa katsaka. Mfund. Reed, lelo ligama lakho. Angikwati. Awusuye wakulelive, empeleni. Uwase-Ohio. Kunjalo. Uma-loko kunjalo, sukuma. Sekuphelile konkhe manje, kuwe nemkakho, nobabili.

Kholwa ngayo yonkhe inhlitiyo yakho. Ungakholwa manje?

²⁰⁶ Emuva le phansi kulelilayini, emuva *ngalapha*, anikuboni loko kuKhanya kulenga khona lapho na? Nguwesifazane lophetfwe ligciwane, phansi ngco kulelilayini lapha. Awusuye wakulelidolobha. Uwasendzaweni lebitwa ngekutsi yiColumbus, e-Indiana. Ligama lakho ungu-Elizabethi. Uhlala esitaladini lesitsiwa yi-Ohio Street. Inombolo yakho ngu 1932 Ohio Street. Hamba, ukholwe. Sekusukile kuwe manje. Bani nekukholwa.

²⁰⁷ Futsi manje lowoMoya uyanyakata. Uhamba *ngalendlela*, *ngalapha*, endvodzeni. Futsi kuchumana lokutsite. Cha. Kukutsi, uvela eColumbus. Futsi uphetfwe simo semehlo ne-nesilondza ematfunjini. Uyakholwa kutsi iNkhosi Jesu itokuphilisa, mnumzane, ikwelulamise na? Nemshana wakho lomncane lohleti embikwakho lapho, umntfwana wadzadzewenu, uneluhlobo lolutsite lwesifo sematsambo, futsi akadli manje. Futsi kutsi kumenta angatijabuleli nje. Uma utokholwa ngenhlitiyo yakho yonkhe, ungahe usindze. Bani nekukholwa kuNkulunkulu.

²⁰⁸ Bangakhi kini labakholwako manje?

²⁰⁹ Ngibona lelinye litfunti lemldlavuza uhleti lapho. Uma utokholwa ngenhlitiyo yakho yonkhe, dzadze, kutokwentiwa. Kunga...

²¹⁰ Ngabe kukholwa kwakho sekulengcile lelolayini lekungabata manje? Bangakhi lokholwako kutsi kukholwa kwakho sekulengcile lilayini lekungabata? Phakamisa sandla sakho. Khona-ke yini lesele ngaphandle kwekutsi sikhululeke na? Sekuphelile konkhe.

²¹¹ Lamantfombatane lamancane lahleti lapha esitulweni, ngiyanati. Benginganati kusukela itolo ebusuku, kodvwa sengiyanati manje. Ngifundzile ngani, namuhla, kumkami. Ligama lamake wenu bekawaka-Fulkerson ngaphambi kwekutsi ashade. Futsi leso sifo lokungekho muntpfu lowati lutfo ngaso. Tingalo tenu titfola kugula, futsi nitfola sifo sengati, njenge, noma lokutsite etandleni tenu, nentfo yekucala niyati, imino iyaphuma, nalokunye. Nobabili nine mantfombatane lamancane. Nibodzadze labancane lababili. Ngiyamati make wenu. Gogo wenu waphiliswa ngalobunye busuku ngesikhatsi

ngiya kuye, eminyakeni lengemashumi lamabili nentfo leyendlula, aneTB. Kunjalo. Nkkt. Fulkerson.

²¹² Nkulunkulu yekhuta lowodeveli lonivimbako ninemantfombatane lamancane lamahle! Kwangatsi eMandla lavusa Jesu ethuneni, angayilahla leyontfo, ingasaphindzi inihluphe. Ngisho loko ngeligunya leLivi laNkulunkulu. Ufanele umtfukutselele develi.

²¹³ Nkulunkulu usinika kuncoba. Sinako khona manje. “Loku kuncoba lokuncoba live, ngisho nekukholwa kwenu.”

²¹⁴ Nonkhe nine lenikholwa kutsi niphilisiwe ngeMandla aKhe, sukumani nime ngetinyawo tenu futsi niMnike ludvumo, ndzawo tonkhe kulesakhiwo. Phakamisani tandla tenu manje futsi asidvumise Yena.

²¹⁵ NgiyaKubonga, Nkhosi Jesu, ngemandla aKho ekuphilisa. “Loku ngulokukholwa lokuncobako. Loku kuncoba, ngisho nekukholwa kwetfu.” Manje sibamemetela kutsi baphilisiwe, eGameni leNkhosi Jesu Khristu. Siphe kona, Nkhosi.

NgitoMdvumisa, Gertie. NgitoMdvumisa.

²¹⁶ Ngabe sewulendlulile lelilayini lelisivimbelo na?

Dvumisani liWundlu ngekuhlatjelwa toni;
Mnikeni ludvumo, nonkhe nine bantfu,
Ngoba iNgati yaKhe ihlante yasusa lonkhe
libala.

Kulungile, wota nako manje.

NgitoMdvumisa, ngitoMdvumisa,
Dvumisani liWundlu ngekuhlatjelwa toni;
Mnikeni ludvumo, nonkhe nine bantfu,
Ngoba iNgati yaKhe ihlante yasusa lonkhe
libala.

²¹⁷ Lalelani. Ngisakhola, bangani, kutsi ningeke nikhone kucanca niye kuleyondzawo. Anginawuvumela develi ehlule loluhlobo lolu lwemhlangano. Asikho sizatfu sako. LiVangeli lishunyayeliwe, naKhristu ulapha kulicinisa. Develi unguycambimanga. Ninjalo, nonkhe, niphiliswe nguJesu Khristu. Cindzelanani ngaloko kukholwa lapho. Nako-ke. Kwakho. Ungabe usandanda nje. Tinta eKhalvari, futsi uMnikete ludvumo nenkhatimulo. Mtjele kutsi uyaMtsandza. Mtjele kutsi uyaMbonga. Futsi wendlule lelolayini lelehlukanisako, naNkulunkulu utokuphilisa futsi akusindzise. Ukusho sibili. Ungamani nje ukusho. Kusho enhlitiyweni yakho, futsi uMnike ludvumo.

NgitoMdvumisa,

Kusuka enhlitiyweni yakho manje, etulu le!

... NgitoMdvumisa,
Dvumisani liWundlu ngekuhlatjelwa toni;
Mnikeni ludvumo, nonkhe nine bantfu,

Mnikeni ludvumo!

Ngoba iNgati yaKhe ihlante yasusa lonkhe
libala.

²¹⁸ Hloba luni lwelibala? Libala lekungabata. “Sengiphilisiwe manje. Ngemivimba yaKhe ngiphilisiwe. Ngiwe Nkhosi. Tifo tami setihambile. NgitoMdvumisa. NgitoMdvumisa. NgitoMnika ludvumo. Ngitomemetela kuncoba. NgitoMtjela kutsi ngiyaMtsandza. NgiyaMkholwa. Ngikhululekile.” Haleluya!

... bantfu,
Ngoba iNgati yaKhe ihlante yasusa lonkhe
libala ngalinye.

NgitoMdvumisa, ngitoMdvumisa,
Dvumisani liWundlu ngekuhlatjelwa toni;
Mnikeni ludvumo, nonkhe nine bantfu,
Ngoba iNgati yaKhe ihlante... (Nguloko-ke.
Bhobokela kuko!)... libala ngalinye.

NgitoMdvumisa, ngi... (Haleluya! Haleluya!)
Dvumisani liWundlu ngekuhlatjelwa toni;
Mnikeni ludvumo, nonkhe nine bantfu,
Ngoba... (Nguloko-ke!)... uhlante libala
ngalinye.

NgitoMdvumisa, (Achubeka njalo nje
nekugeza kweNgati!)... Yena,
Dvumisani liWundlu ngekuhlatjelwa toni;
Mnikeni ludvumo, nonkhe nine bantfu,
Ngoba iNgati yaKhe ihlante yasusa lonkhe
libala ngalinye.

²¹⁹ Ludvumo! Ayibongwe iNkhosi! NiyaMtsandza na?
Mdvumiseni! Mdvumiseni! Khristu lokhatimulako! Nkulunkulu
lokhatimulako, lophila phakadze akhona manje! Jehova
Nkulunkulu weliThestamenti leLidzala, ukhona kulolusuku!
“Kumangalisa kanjani futsi iyamangalisa imisebenti yaKhe!”
“Tibonakaliso netimanga taKhe aticondzakali.” O, kumangalisa
kanjani pho! O, Uyakhatala!

²²⁰ Bangakhi kini labativelako kutsi Bukhona baNkulunkulu
njengamanje na? Impela! Manje konkhe kungabata
akushabalale kuwe. Uphilisiwe. Ngemivimba yaKhe
sewuphilisiwe. Sekuphelile. Ludvumo futsi uMnike
inkhatimulo!

²²¹ Moya loyiNgcwele, wehla kusosonkhe lesakhiwo! Siyingiliti
lesikhulu sekuKhanya, kushaya indingilizi kulendzawo!
Kumangalisa kanjani pho! SiMtsandza kangaka!

Futsi uma imphi seyiphelile, siyokwetfwala umchele!
 Yebo, siyokwetfwala umchele! Yebo, siyokwetfwala umchele!
 Futsi uma imphi seyiphelile, siyokwetfwala umchele
 EJerusalema lensha.
 Setfwale umchele, setfwale umchele,
 Setfwale lokhatimulako nalokhanyako umchele.
 Futsi uma imphi seyiphelile, siyotfwala umchele
 EJerusalema lensha.
 Setfwale umchele, setfwale umchele,
 Setfwale lokhatimulako nalokhanyako umchele.
 Futsi uma imphi seyiphelile, siyotfwala umchele
 EJerusalema lensha.

²²² Loku kutsi, ngembono wami, njengaMoya loyiNgewe nje lowehla ngeluSuku lwePhentekhosti, lowadzabula tibopho.

²²³ Kwentekile nje ngacaphela, ngime lapha emhlanganweni ngumnaketfu loyiMennonite. E-Indianapolis, uyangena, futsi bekanesifo sekunklinklita iminyaka leminengi, nengi. NaMoya loyiNgewe wambita, emhlanganweni, ngikhola kutsi bekungiko. Futsi akaze aphindze ahlaselwe ngiko. INkhosi Nkulunkulu yamphilisa futsi yamenta waphelela, kahle; umshumayeli wakaMennonite.

²²⁴ O, Akamangalisi yini! Akekho lowatiko, kulabo labanabitse buhle baKhe, uyati kutsi Ulunge kanjani!

²²⁵ Manje, bangani, ngekubona kwami, lena yinkholo yakudzala, uma iNkhosi Jesu Khristu ifika emkhatsini wetfu futsi isibusise. Sijabula kakhulu kutsi nilapha. Ngikhola kutsi wonkhe umuntfu loseBukhoneni bebuNkulunkulu kunjalo, khona manje, uma kukholwa kwakho kucwilise konkhe kungabata ngemuva, sewukhululekile manje. Ungalokotsi nje ubite noma ngukuphi kugula, kusukela manje kuchubeke. Chubeka. Unikele kugula kwakho kudokotela munye; ulinikela kuJesu manje. Ukuhlindzile futsi wasusa konkhe kungabata, kute ukhone kuba nako. INkhosi ikubusise.

Livangeli lakudzala,
 Futsi linganele mine dvu.
 Livangeli lakudzala,
 Livangeli lakudzala,
 Livangeli lakudzala,
 Futsi linganele mine dvu.

Lingenta ngitsandze wonkhe umuntfu,
Lingenta ngitsandze wonkhe umuntfu,
Lingenta ngitsandze wonkhe umuntfu,
Futsi linganele mine dvu.

O, livangeli lakudzala,
Livangeli lakudzala,
Livangeli lakudzala,
Futsi linganele mine dvu.

. . . uma ngifa,
Litokwenta uma ngifa,
Litokwenta uma ngifa,
Futsi linganele mine dvu.

Livangeli lakudzala,
Livangeli lakudzala,
Livangeli lakudzala,
Futsi linganele mine dvu.



KUKHOLWA KUKUNCOBA KWETFU SSW58-1004
(Faith Is Our Victory)

LoMlayeto ngeMnaketfu William Marrion Branham, kwekulala wetfulwa ngesiNgisi ngeMgcibelo kusihlwa, ngenyanga yeMphala 4, 1958, eTabernakeli laBranham eJeffersonville, eIndiana, eU.S.A., utsatselwe ekucopheni kwetheyiphu lenamazibuthe futsi wakhicitwa ungakafinyetwa ngesiNgisi. Loku kuhunyushwa ngeSiSwati kwakhicitwa kwakhishwa yiVoice Of God Recordings.

SWATI

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org